

Fuh Sux Tin-Hungh Nyei Jauv

LONGC JIENV NYEI JAUV TAUX ZIEN SIENX YESU NYEI MIENH

(Naaiv Ginc Kauv Horqc Nyei Jauv Gauh Camv Jiex Se Yiem Ging-Sou 1 Yo^han)

Zien sienx Yesu mienh nyei nyungc zeiv caux jangx hoc. Naaiv ginc kauv hoqc nyei jauv se oix nuqv bun meih buatc mengh taux zien sienx Yesu nyei mienh fai duqv ganh zoix yungz jiex nyei **mienh nyei nyungc zeiv fai jangx-hoc jauv**. Zien sienx Yesu mienh, fai dongh benx duqv ganh zoix yungz jiex yiem Yesu nyei mienh nyei nyungc zeiv, se maaih deix bun meih haih buatc duqv mengh nyei, maaih deix se oix zuqc longc ziangh hoc zaah mangc cingx haih hiuv duqv.

I. ZIEN SIENX NYEI MIENH FAI GANH ZOIX YUNGZ JIEX NYEI MIENH:

A. MAAIH HNYOUV OIX CAUX ZIOUV YESU JIU TONG:

- 1) Laengz nyiemc zipv gorngv Yesu benx Tin-Hungh nyei Dorn 1 Yo^han 4:15.
- 2) Sienx dingc gorngv kungx maaih Yesu ganh hnangv haih njoux mbuo leih ndutv zuiz 1 Yo^han 5:1.
- 3) Nyiemc zipv Yesu Giduc benx Tin-Hungh njiec daaih cuotv seix benx mbuo baamh mienh 2 Yo^han
- 4) Maaih hnyouv a'hneiv caux Yesu Giduc jiu tong 1 Yo^han 1:1-7; 1 Corinthians 1:9.
- 5) Lorz jauv nitv fatv caux Yesu Giduc jiu tong 1 Yo^han 2:28; 2 Yo^han 8-9.

B. MAAIH HNYOUV OIX CAUX TIN-HUNGH JIU TONG:

- 1) Maaih Tin-Hungh nyei hnamv yiem mbuo nyei maengc 1 Yo^han 4:16-19.
- 2) Maaih Tin-Hungh nyei en, korh liemh, caux baengh orn yiem mbuo nyei maengc 2 Yo^han 3.
- 3) Maaih hnyouv oix zoux ei Tin-Hungh nyei za'eix 2 Yo^han 4-6.

C. MAAIH HNYOUV OIX CAUX SINGX LINGH JIU TONG:

- 1) Duqv zipv Singx Lingh ceix bun nyei zingh nyeic 1 Yo^han 2:20; 1 Corinthians 12:13.
- 2) Ziangh Singx Lingh nyei biouv (Gaa^laa^tie 5:22-26).
- 3) Maaih Singx Lingh yiem hnyouv njaaux ninh (1 John 2:27, 5:7; Lomaa 8:4-9).

D. MAAIH HNYOUV NGORC OIX HOQC HIUV TAUX TIN-HUNGH NYEI WAAC:

- 1) Maaih hnyouv oix zoux ei Tin-Hungh nyei waac (1 Yo^han 2:3, 2 Yo^han 6)
- 2) Maaih hnyouv oix hoqc hiuv taux mbuo hnangv haaix nor haih hingh jiex:
 - a) Mienv nyei hungh Saa^daan nyei jauv (1 Yo^han 2:14, 3:8, 4:4, 5:18)
 - b) Baamh gen nyei jauv (1 Yo^han 5:4-5)
 - c) Orv sin mueic jieqv nyei jauv (1 Yo^han 2:16-17)

E. HIUV DUQV HOQC DAUX GAUX CAUX TIN-HUNGH JIU TONG:

- 1) Bungx hnyouv sienx gorngv Tin-Hungh haih tengx duqv ninh nyei (1 Yo^han 3:21-22).
- 2) Maiv zuqc gamh nziez Tin-Hungh (1 Yo^han 5:14-15).
- 3) Maiv zanc-zanc baamz jienv zuiz mingh, yaac maiv zuqc gamh nziex mienv (1 Yo^han 5:18-19)

F. HIUV DUQV BIUX MENGH TIN-HUNGH NYEI HNAMV:

- 1) Laanh hnamv laanh (1 Yo^han 2: 7-11; 1 Yo^han 3:14-18, 23)
- 2) Hiuv duqv laanh hnamv laanh (1 Yo^han 4:7-12, 20,21; 2 Yo^han 5)
- 3) Maaih hnyouv tengx mienh (3 Yo^han 5-8; Yo^han 13:34-35).

G. MBUO NYEI MAENGC MAAIH GOIV YIENC NYUNGZ ZEIV:

- 1) Hiuv duqv yioux zuiz nyei jauv, yaac zoux cing-nzengc(1 Yo^han 1:8-2:2; 2 Cor. 5:17)
- 2) Ninh Laengz zipv Tin-Hungh guangc bun ninh nyei jauv (1 Yo^han 2:12)
- 3) Ninh maaih hnyouv zoux kuv sic caux baengh fim nyei jauv (1 Yo^han 2:29-3:10)
- 4) Ninh zoux kuv zornz-zengx bun mienh hiuv taux Tin-Hungh nyei jauv (3 Yo^han 11-12)
- 5) Baamh mienh yaac oix nzornz zien sienx nyei mienh (1 Yo^han 3:13)

H. LONGC ZIANGC HOC DAUX GAUX NYEI JAUV

1. Haiv Zanc Maaih Lengc Jeiv Nyei Ziangh Hoc Liemh Jienv

- (a). Longc ziangh hoc hoqc Ging-Sou Tin-Hungh nyei waac

(b). Longc ziangh hoc daux gaux caux Tin-Hungh jiu tong

2. Ziangh Hoc (E^{fe}so 5:15-16)

Naaiv se benx jaix haic nyei ziangh hoc, mbuo maiv haih baec-baec guangc duqv, mbuo maiv haih aengx dorh ziangh hoc nzuonx aqv, hnangv naaiv mbuo oix zuqc hiuv duqv hnangv haaix **nor hoqc longc ziangh hoc horpc nyei**. Hiuv duqv longc ziangh hoc horpc nyei jauv se longc jienv haic yiem mbuo hnoi-hnoi nyei maengc, mbuo oix zuqc hiuv duqv hnoi-hnoi longc ziangh hoc daux gaux caux Tin-Hungh jiu tong, se benx jienv haic nyei jauv.

II. DAUX GAUX NYEI JAUV – (Lengc Jeiv Nyei Ziangh Hoc Caux Tin-Hungh)

A. DAUX GAUX NYEI JAUV – Daux gaux se caux Tin-Hungh gorngv waac jiu tong doic.

B. YIEM DAUX GAUX NYEI JAUV – Ei jienv Yesu njaaux sai-gorx mbuo daux gaux nyei nyungc zeiv, dongh sai-gorx mbuo tov Yesu njaaux ninh mbuo wuov (**Lugaa 11:1-4; Matv^{ta}i.6:8-13**), daux gaux nyei jauv aengx zoqc yaac maaih juqv nyungc jauv daux gaux:

1. **CENG BAAIX** – “Yie mbuo nyei tin-dorng Diex aah, tov bun mienh taaih meih nyei cing- nzengc mbuox.”
2. **NYUNC MBUOQC TIN-HUNGHGUNV** – Tov bun meih zoux Ziouv gunv mienh nyei hnoi taux. Tov bun yiem naaiv baamh gen nyungc-nyungc ei meih nyei eix cuotv daaih.
3. **TOV TIN-HUNGH NYEI JAUV** – Yie mbuo hnoi-hnoi qiemx nyei nyanc hopv, tov bun gaux ih hnoi nyanc.
4. **NYIEMC ZUIZ NYEI JAUV** – Tov guangc yie mbuo nyei zuiz, hnangv yie mbuo guangc zoux dorngc yie mbuo wuov deix mienh nyei zuiz nor.
5. **BANGC TIN-HUNGH NYEI JAUV** – Maiv dungx bun yie mbuo buangh seix hnyouv nyei sic. Yaac njoux yie mbuo leih ndutv hiuang orqv wuov dauh.
6. **SIENX FIM NYEI JAUV** – Weic zuqc meih yietc liuz maaih hungh lingc, maaih qaqv, maaih njang-laangc, taux maanc gouv maanc doic Aa^{men}.

C. WEIC HAIV DIUC MBUO DAUX GAUX – Weic haiv diuc mbuo oix zuqc daux gaux?

1. **WEIC ZUQC TIN-HUNGH NYEI LINGC PAAIV NJIEC BUN MBUO** – E^{fe}so 6:12; 1 Te^{saa}loⁿⁱgaa 5:17,25; 1 Ti^{mo}taⁱ 2:8; Lomaa 12:12; Ko^{lo}si 4:2; 1 Samuel 12:23).
2. **WEIC ZUQC JIU BAANG HIAANGX SE YIEM DAUX GAUX NYEI JAUV** - Gong-Zoh 1:14; Gong-Zoh 2:42; Gong-Zoh 6:4; Gong-Zoh 12:5).
3. **WEIC ZUQC YESU ZOUX NYUNGC ZEIV** – Hitv^{lu} 5:7; 1 Bide 2:21.
4. **WEIC ZUQC DAUX GAUX SE MBUO NYEI MBORQV JAAX NYEI WUOQC GINC** - Tin-Hungh mbenc daaih bun mbuo longc mborqv Saa^{daan}
 - (a) Hingh jiex Saa^{daan} – Lugaa 22:32; 1 Bide 4:7.
 - (b) Weic njoux zuiz-mienh – Lugaa 18:13.
 - (c) Tengx ndorpc nyei mienh haih duqv jiex sin daaih – Yaagorpc 5:16,19,20.
 - (d) Tengx sienx nyei mienh haih duqv henv daaih – Yiu^{ndaa} 1:20; Matv^{taai} 26:41.
 - (e) Fungx Gong-mienh mingh zoux gong – Matv^{taai} 9:38; Gong-Zoh 13:2,3.
 - (f) Zorc butv baengc nyei mienh – Yaagorpc 5:13-15.
 - (g) Bun Tin-Hungh nyei mbuox duqv njang-laangc – Rev. 5:8;8:1-4; Isaiah 43:21,22;64:6-7.
 - (h) Tengx mbuo nyei gong haih duqv zoux ziangx – Maako 9:29; Gong-Zoh 12:5-16; Yaagorpc 5:16-17.
 - (i) Tov longx nyei ga^{naaiv} – Matv^{taai} 7:7-11; 21:22; Singx Nzung 102:17.
 - (j) Tov cong-mengh nyei jauv – Yaagorpc 1:5.
 - (k) Tov baengh orn nyei jauv – Fi^{lipv}poi 4:5-7.
 - (l) Tengx mbuo hingh seix hnyouv nyei sic – Matv^{taai} 26:41.
 - (m) Biux mengh Tin-Hungh nyei za^{eix} – Lugaa 11:9-10.
 - (n) Weic zuqc benx sienx fim nyei gorn-ndoqv – Gong-Zoh 9:11; 16:25; 20:36; 21:5;

1 Te^saa^lo^ni^gaa 1:2; Fi^le^mon 1:4; E^fe^so 1:16; Lomaa 10:1; Fi^lipv^poi 1:4.
(o) Weic zuqc mbuo Giduc mienh nyei mborqv jaax nyei wuoqc ginc (E^fe^so 6:10-18).

5. DAUX GAUX NYEI JAUV – Mbuo horpc zuqc daux gaux weic haiv dauh?

- a. Daux gaux weic mbuo ganh – Lugaa 23:42; Matv^taai 14:30; Tin-Deic Douh 24:12.
- b. Laanh daux gaux weic laanh – Yaagorpc 5:16; Lomaa 1:9.
- c. Daux gaux weic jiu baang nyei zoux gong mienh – E^fe^so 6:19-20; Ko^lo^si 4:3.
- d. Daux gaux weic baengc mienh – Yaagorpc 5:14-15.
- e. Daux gaux weic hungh jaa – Lomaa 13:1-7 ;1 Ti^mo^tai 2:1-3.
- f. Daux gaux weic win-wuangv – Matv^taai 5:44; Lugaa 6:28.
- g. Weic daux gaux nyei jauv l^saa^laa^en mienh duqv hingh jiex – l^saa^yaa 62:6-7; Singx Nzung Sou 122:6.
- h. Oix zuqc daux gaux weic dauh dauh mienh – 1 Ti^mo^tai 2:1

6. DAUX GAUX NYEI JAUV – Maiv maaih haaix nyungc lengc jeiv oix zuqc zoux. Cuotv liuz mbuo nyei hnyouv dingc nyei jauv hngangv.

- a. Souv jienv daux gaux – Maako 11:25.
- b. Zueiz jienv daux gaux – 1 Zunh Doic Douh 17:16-27 – 1 Chron. 17:16-27.
- c. Mbaapv njiec ndau daux gaux – Cuotv l^yipv 34:8; Matv^taai 26:39.
- d. Bueix jienv daux gaux – Singx Nzung Sou 6:6 – Psalm 6:6.
- e. Nyiemv jienv heuc jienv daux gaux – Singx Nzung Sou 28:2
- f. Gueic jienv daux gaux – 1 Hungh Douh Sou 8:54; Lugaa 22:41; Gong-Zoh 20:36.
- g. Zuangx jienv daux gaux – 1 Hungh Douh Sou 18:42.

7. DAUX GAUX NYEI ZIANGH HOC – Haaix zanc yaac daux gaux duqv nyei.

- a. Lungh ndorm-nziouv daux gaux – Maako 1:35.
- b. Lungh aanx zanc daux gaux – Singx Nzung 55:17 – Psalm 55:17.
- c. Lungh maanz nyei ziangh hoc daux gaux – Gong-Zoh 3:1.
- d. Lungh maanz hmuangx nyei ziangh hoc daux gaux – Singx Nzung 141:2.
- e. Ndamv hmuonz daux gaux – Gong-Zoh 16:25.

8. LAANH MBUO DAUXGAUX NYEI JAUV—Zuiz laanh jienv mbuo nyei waac.

- a. Siou jienv fai bingx jienv zuiz yiem mbuo nyei maengc – Singx Nzung 66:18.
- b. Maiv ziepc zuoqc hnyouv bun Tin-Hungh – Matv^taai 6:5.
- c. Fiem-fingx maiv zingx – Yaagorpc 4:3.
- d. Maiv sienx haih duqv – Yaagorpc 1:6.

- e. Saa^daan laanh jienv javv – Ndaa^ni^en Sou 10:13 – Daniel 10:13.
- f. I hmuangv mv maaih horpc fim nyei javv – 1 Bide 3:7.
- g. Weic mengh daauh mengh hoc nyei javv – Lugaa 18:10-14.
- h. Weic zuqc mbuo nyei zuiz laanh jienv Tin-Hungh – I^saa^yaa 59:1-3.
- i. Weic zuqc luv fai pienx Tin-Hungh nyei nyaanh – Maa^laa^ki 3:8-10 = Malachi.
- j. Weic zuqc mbuo ngaengc jienv hnyouv maiv oix muangx Ging-Sou njaaux nyei waac – Proverbs 1:24-31 = Congh Mengh; 28:9; Zechariah 7:11-14 = Se^kaa^li^yaa.
- k. Maiv kangv guangc mienh zoux dorngc mbuo nyei sic – Matv^taai 5:23-24; 6:12-14.
- l. Maiv maaih hnyouv korh lienh mienh jomc mienh – Proverbs 21:13; 1 John 3:16-18.

9. HORPC DAUX GAUX NYEI JAVV SE:

- a. Oix zuqc nyiemc ganh zoux faix – Lugaa 18:13-14; Singx Nzung 10:17.
- b. Oix zuqc nyiemc mbuo nyei zuiz bun Tin-Hungh (1 Yo^han 1:8-9).
- c. Oix zuqc longc sienx fim longc hnyouv daux gaux – Hipv^lu 11:6; Yaagorpc 5:17-18.
- d. Daux gaux oix zuqc longc ziepc zuoqc hnyouv – Singx Nzung Sou 145:18.
- e. Daux gaux oix zuqc maaih yietv maaih nyeic nyei – Matv^taai 6:7.
- f. Oix zuqc maiv dingh liouh nyei daux gaux – Lugaa 18:7; Ko^lo^si 4:2.
- g. Oix zuqc longc hnyouv njiec qaqv daux gaux – Singx Nzung 27:4; Gong-Zoh 12:5.
- h. Daux gaux oix zuqc ei Tin-Hungh nyei eix tov – 1 Yo^han 5:14-15.

Hoqc Lioux Daux Gaux Nyei Javv

Tov meih longc hnyouv nyei dau mangc gaax dongh meih hoqc jiex daaih nyei javv taux daux gaux nyei javv. Ginv mangc horpc jiex nyei dongh mbuo daux gaux nyei ziangh hoc oix zuqc hnavg haaix nor zoux gauh longx jiex yaac gauh horpc jiex nyei javv.

1. Daux Gaux Nyei Javv Se: (tov ginv yietc kang dau nyei waac hnavg)

- a. Mbuo tengx Tin-Hungh tov dongh mbuo qiemx zuqc nyei javv fai (ga^naaiv).
- b. Mbuo caux Tin-Hungh gorngv waac jiu tong doic nyei javv.
- c. Sienx Tin-Hungh mienh nyei leiz-fingx javv.

2. Giduc Mienh Horpc Zuqc Daux Gaux Weic Nyei Javv Se :(tov ginv yietc kang)

- a. Buo nyungc javv. b. Biei nyungc javv. c. Biaa nyungc javv. d. Juqv nyungc javv.
- e. Siec nyungc javv. f. hietc nyungc javv.

III. CEIX LIEPC JIU BANG NYEI JAVV SE:

Njaaux Ging-Sou Tin-Hungh nyei waac bun mienh hiuv duqv zimh lorz zien leiz nyei javv, yaac orn hnyouv ninh mbuo bun ninh mbuo hiuv duqv gorngv Tin-Hungh nyei waac ndongc haaix longc jienv bun ninh mbuo hnoi-hnoi nyei maengc. Yaac njaaux bun mienh hiuv duqv Ging-Sou maaih haaix nyungc eix-leiz bun ninh mbuo hnoi hnoi nyei maengc, caux jiex daaih nyei sic, hnoi-hnoi cuotv nyei sic, caux nqa^haav hingv oix cuotv nyei sic hnavg haaix nor.

Hnangv haaix yaac zeiz, longc ziangh hoc nyei jauv se longc jienv haic bun mbuo dauh dauh mienh yiem naaiv lungn ndiev seix zangc. Mbuo oix zuqc funx mangc gaax hnangv haaix nor longc duqv horpc mbuo nyei ziangh hoc. Maaih mienh camv nyei maiv maaih ziangh hoc hoqc Ging-Sou mv baac maaih ziangh hoc zoux ganh nyungc jauv dongh maiv haih ceix ganh nyei maengc, mv baac daaux nzuonx corc aengx hoic ganh nyei maengc caux ganh nyei mienh seix nyei jauv.

Mbuo ganh oix zuqc hnamv taux haaix nyungc longx nyei jauv, bun mbuo nyei maengc, mbuo oix zuqc longc ziangh hoc zimh lorz daaih weic tengx mbuo ceix mbuo nyei maengc caux mbuo nyei jaa-dingh mienh seix, maiv dungx dorh ziangh hoc mingh guangc zoux henv mbienx jauv. Ziangh hoc se jaaix haic, se gorngv mbuo yietv piatv mingh nor mbuo mv haih dorh maiv nzuonx aqv. Mbuo dauh dauh mienh yiem naaiv seix zangc, yietc zungv maaih nyic ziepc feix norm ziangh hoc, mv baac maaih mienh longc zoux duqv cuotv ziex nyungc longx nyei jauv, mbuo ganh aeqv zoux duqv cuotv haaix nyungc? Hnangv naaic tov meih maiv dungx guangc ziangh hoc longc zoux maiv lamh longc nyei jauv, se gorngv meih maaih ziangh hoc zoux maiv lamh longc nyei jauv nor, tov longc wuov deix ziangh hoc zimh lorz hoqc Ging-Sou weic ceix meih nyei maengc caux meih nyei hmuangv doic oc. Dongh yie oix bun meih nyei za'eix se oix bun meih longc meih nyei ziangh hoc caux jienv doic hoqc Ging-Sou zimh lorz zien leiz nyei jauv, maiv gunv mienh camv fai zoqc, bun meih longc deix meih nyei ziangh hoc doqc Ging-Sou daux gaux.

Mbuo longc ziangh daux gaux doqc Ging-Sou se tengx mbuo haih duqv zipv Tin-Hungh nyei waac daaih yungz mbuo nyei lingh wuonh tengx mbuo haih duqv hlo yiem Tin-Hungh, yaac tengx mbuo haih hiuv duqv Tin-Hungh nyei zien leiz. Weic zuqc longc ziangh hoc daux gaux hoqc Ging-Sou nyei jauv se, mbuo bun qangx Singx Lingh zoux gong yiem mbuo nyei maengc, **yaac bun qangx Singx** Lingh koi mbuo nyei hnyouv zipv Tin-Hungh nyei waac yungz **mbuo nyei lingh wuonh**. Mbuo doqc Ging-Sou nyei jauv maiv zuqc doqc ndongc haaix camv yietc nzunc, ei kauv Giduc njaaux nyei jauv se maiv gauh camv jiex ziepc yiemc Ging-Sou nyei waac. Liemh doqc Ging-Sou caux daux gaux nyei ziangh hoc, yietc nzunc maiv gauh camv jiex 25 buon mingh lorz 30 buon ziangh hoc. Mv baac naaiv se benx hnoi hnoi zoux nyei gong.

Da'yietv (1) Ginc Kauv Hoqc Ging-Sou Nyei Yietc Nyei Jauv Se:

1. Mbuo longc ziangh hoc kungx doqc Ging-Sou hnangv, maiv zuqc zimh lorz Ging-Sou nyei eix-leiz fai ninh nyei porv mengh waac.
2. Mbuo oix zuqc longc ziangh hoc doqc dongh mbuo ginv daaih wuov deix Ging-Sou aengx doqc ganh buonv sou beiv mangc ninh nyei eix-leiz. Se hnamv daaih gauh haih tengx meih duqv bieqc hnyouv. Se gorngv hnangv meih haih doqc ganh nyungc waac nor, tov meih doqc caux jienv beiv mangc tengx meih gauh haih hiuv duqv ninh nyei eix-leiz.
3. Mbuo aengx longc hnyouv nyei doqc nzunc zimh lorz ninh nyei eix-leiz, yaac hnamv taux ninh nyei eix-leiz hnangv haaix nor.
4. Mbuo hoqc zorqv Ging-Sou nyei waac daaih longc weic ceix mbuo nyei maengc caux tengx longc njaaux ganh dauh. Se gorngv hnangv meih doqc taux 2-5 nzunc faaux maengx nor, tov meih ei jienv dongh kaux hoqc Ging-Sou nyei yietc nyeic jauv mingh zimh lorz, **zorqv Ging-Sou** nyei waac daaih longc.

Da'nyeic (2) Ginc Kauv HoqcGing-Sou Nyei Jauv Se Hoqc Zorqv Ging-Sou Nyei Waac:

1. Mbuo longc ziangh hoc hnamv corngn Ging-Sou nyei eix-leiz yaac fiev njiec zeiv dongh meih hoqc hiuv fai bieqc hnyouv nyei jauv.
2. Fiev cuotv dongh mbuo hoqc hiuv nyei jauv daaih longc benx yietc ginc yietc ginc nyei waac. Naaiv se dongh mbuo hiuv duqv dingc ninh nyei eix-leiz, **fai mbuo bieqc hnyouv dingc ninh** nyei eix-leiz aqv, mbuo dorh daaih longc weic ceix mbuo nyei maengc, mbuo nyei mienh seix caux longc weic tengx dieh dauh mienh.

Da'faam (3) Ginc Kauv Hoqc Nyei Jauv-Louc Se Zaah Ging-Sou Nyei Koux-Nyuo:

1. Mbuo samx mangc Ging-Sou nyei waac se haaix dauh mienh gorngv nyei waac.
2. Mbuo samx mangc naaiv douc Ging-Sou gorngv taux haaix nyungc jauv. Maaih haaix nyungc sic cuotv yiem naaiv douc Ging-Sou gorngv nyei jauv.

3. Samx mangc naaiv deix sic fai naaiv deix jauv weic haaix nyungc cuotv daaih.
4. Samx mangc naav deix sic fai naaiv deix jauv yiem haaix cuotv daaih.
5. Samx mangc naaiv deix sic fai naaiv deix jauv ziangh haaix cuotv daaih.

Da'feix (4) Ginc Kauv Hoqc Ging-Sou Nyei Jauv Se Porv Ging-Sou Nyei Jauv:

1. Samx mangc naaiv douc Ging-Sou nyei waac maaih haaix nyungc eix-leiz.
2. Samx mangc naaiv yiemc Ging-Sou nyei waac maaih haaix nyungc jauv caux ganh yiemc Ging-Sou haih bieqc doic.
3. Samx mangc Ging-Sou nyei korn^taekv fai ninh nyei porv mengh nyei waac yiem haaix.
4. Se gongv hhangv meih maaih dorngx maiv bieqc hnyouv nor, tov meih njamz jiex ndaangc liuz, nqa^haav aengx daaux nqaang daaih zaah mangc yaac congh ninh nyei eix-leiz oc.
5. Samx mangc gaax ganh norm dorngx aengx maaih naaiv nyungc eix-leiz fih hhangv nyei fai.
6. Tov meih zorqv nyungc zeiv daaih longc tengx meih porv naaiv douc Ging-Sou nyei waac oc.

Da'hmez (5) Ginc Kauv Hoqc Nyei Jauv Se Dorh Ging-Sou Nyei Waac Daaih Longc:

1. Tin-Hungh nyei waac njaaux meih oix zuqc zoux nyei jauv se dongh haaix nyungc.
2. Tin-Hungh nyei waac njaaux meih taux longx nyei nyungc zeiv se dongh haaix nyungc.
3. Tin-Hungh nyei waac njaaux meih taux waaic nyei nyungc zeiv se dongh haaix nyungc.
4. Tin-Hungh oix meih zoux nyei jauv se dongh haaix nyungc.
5. Tin-Hungh maiv oix meih zoux nyei jauv se dongh haaix nyungc.
6. Ih hnoi Tin-Hungh nyei waac njaaux meih taux haaix nyungc jauv.

Nzutv Norz Waac: Oix zuqc laengz zingh Tin-Hungh tengx meih duqv hiuv nyei jauv.

IV. BAAIX ZAANGC TIN-HUNGH NYEI JAUV

A. Baaix Zangc Tin-Hungh Nyei Mienh

1. Tin-Hungh nyei bou mbuo oix baaix Ninh (Laauc Yaangh 22:3).
2. Maanc guoqv nyei mienh oix baaix Ninh (Laauc Yaangh 15:4).

B. Baaix Zangc Tin-Hungh Nyei Jauv

1. Puoqv njiec ndau baaix (Laauc Yaangh 22:8).
2. Gueic njiec baaix (Matv^taai 28:17; Maako 15:19).
3. Souv jienv baaix fai souv jiez baaix (Cuotv l^yipv (33:10).

4. Mbaapv njeic baaix (1 Zunh Doic Douh 29:20).

C. Baaix Zangc Tin-Hungh Horpc Nyei Jauv

1. Oix zuqc maaih ziepc zuoqv hnyouv baaix zangc (Yo^han 4:24; Fi^lipv^poi 3:3).
2. Oix zuqc maaih nyiemc-faix nyei hnyouv (Ko^lo^si 2:23).
3. Oix zuqc maaih cing-nzengc nyei hnyouv (Lomaa 12:1-2).
4. Zorng-zuqv oix zuqc horpc nyei (Singx Nzung Sou 96:9; 29:2; 1 Ti^mo^tai 2:9).
5. Oix zuqc longc ziepc zuoqv hnyouv (Singx Nzung Sou 2:10-12).

D. Baaix Zangc Tin-Hungh Nyei Dorngx

1. Yiem Singx Dinc ga^nyiec maengx (Ye^le^mie 26:2).
2. Yiem ziec-dorngx nza^hmien maengx (I^saa^yaa 36:7).

E. Baaix Zangc Tin-Hungh Dorngc Nyei Jauv

1. Guangc maiv ei Tin-Hungh njaaux nyei jauv zoux (Ye^le^mie 26:2;
2. Dorh mienv nyei leiz daaih zorpc jienv fai ei mienv nyei leiz zoux (Gong-Zoh 7:39-43).

NAAIV GINC SE GORNGV TAUX MBAAIX ZANGC TIN-HUNGH NYEI JAUV

A. Baaix Zangc Tin-Hungh Nyei Jauv Se Mbuo Mbenc Mbuo Nyei Hnyouv:

1. Daaih wuic buangh Tin-Hungh, ceng baaixTin-Hungh.
2. Daaih laengz zingh Tin-Hungh caux tov Tin-Hungh.
3. Daaih muangx Tin-Hungh nyei waac, daaih zipv Tin-Hungh nyei waac.

B. Baaix zangc Tin-Hungh nyei jauv se longc jienv haic bun mbuo Giduc mienh. Mbuo dauh dauh horpc zuqc mbenc mbuo nyei hnyouv daaih weic baaix zangc Tin-Hungh.

C. Dorh leiz-baaix nyei mienh se longc jienv haic nyei mienh, ninh mbuo oix zuqc mbenc sin mbenc hnyouv mbenc nzung daaih dorh mienh ceng baaix Tin-Hungh. Dorh nzung nyei mienh se yuoqc mienh nyei hnyouv daaih lorz Tin-Hungh, **muangx Tin-Hungh nyei waac.**

1. Lorz nzung; lorz mienh; caux lorz Ging-Sou, aengx zoqc yaac oix zuqc mbenc ziangh yietc norm leiz-baaix wuov ndaangc maengx. Oix zuqc hiuv dingc taux ziangh hoc haiv dauh dorh.
2. Dorh leiz-baaix nyei mienh oix zuqc zorng-zuqc horpc nyei. Dorh leiz-baaix nyei mienh oix zuqc longc ziepc zuoqv hnyouv zoux.
3. Dorh leiz-baaix nyei mienh oix zuqc benx maaih hnyouv fuh sux Tin-Hungh nyei mienh.
4. Gorngv waac nyei jauv yaac oix zuqc gorngv daaih horpc nyei, maiv gunv gorngv jaetv, fai gorngv ziangh zien nyei waac, maiv horpc zuqc gorngv waac-aah-muangx caux mun mienh nyei waac,fai waac-doqc.
5. Dorh leiz-baaix nyei mienh oix zuqc hoqc nzung, hoqc doqc Ging-Sou nyei waac nyungc-nyungc, oix zuqc mbenc ziangh ndaangc zuoqv jienv.

6. Dorh nzung nyei mienh gorngv waac caux baaux nzung oix zuqc mbui nyei bun muangx nyei mienh fai gan nyei mienh dauh dauh zungv haih duqv haiz nyei wuov nyungc.
- D. Zoux leiz-baaix nyei ziangh hoc dongh mienh maaih fu'jueiv wuov deix oix zuqc dorh fu'jueiv mingh fu'jueiv nyei leiz-baaix horqc bun ninh mbuo maaih qangx duqv hoqc hiuv tauv Tin-Hungh nyei jauv, yaac haih duqv nziaauc. Zoux leiz-baaix nyei ziangh hoc fu'jueiv nyiemv jienv se haih nyaauv zuqc ganh dauh mienh yiem ga'hlen wuov deix. Ceng baaix Tin-Hungh nyei ziangh hoc maiv horpc zuqc maaih haaix nyungc jauv daaih nyaauv mbuo nyei hnyouv caux mbuo nyei ziangh hoc.
- E. Weic zuqc naaiv maiv zeiz benx mbuo wuic buangh a'nziaauc nyei dorngx, se benx mbuo baaix zangc Tin-Hungh nyei dorngx, caux zangc Tin-Hungh nyei ziangh hoc, mbuo maiv horpc bun haaix nyungc daaih nyaauv mbuo fai laanh mbuo nyei ziangh hoc. Mbuo daaih lorz Tin-Hungh caux ceng baaix Tin-Hungh oix zuqc longc ziepc zuoqv hnyouv zoux, maaih mienh camv nyei weic maiv ziepc zuoqv hnyouv bun Tin-Hungh cingx daaih maiv haih duqv zipv Tin-Hungh nyei fuqv, yaac maiv haih tengx mbuo duqv hlo yiem Tin-Hungh. Mbuo baaix zangc Tin-Hungh nyei ziangh hoc se longc jienv haic, se gorngv mbuo maiv longc hnyouv baaix zangc Tin-Hungh nor:

1. Mbuo mv haih duqv zipv Tin-Hungh nyei fuqv.

2. **Mbuo mv haih duqv zipv Tin-Hungh nyei waac yungz mbuo nyei lingh wuonh.**
3. **Mbuo mv haih duqv hlo yiem Tin-Hungh.**
4. **Mbuo yaac mv haih duqv hingh mienv, hingh zuiz nyei jauv.**
5. **Mbuo yaac haih bieqc dorngc hnyouv fai longc dorngc Ging-Sou nyei waac.**

- F. **Ziouv Yesu gorngv, "Tin-Hungh se Lingh Wuonh. Zangc Tin-Hungh nyei mienh Oix zuqc longc Singx Lingh yaac longc zien leiz zangc." (Yo^han 4:24).** Longc singx lingh nyei eix-leiz se longc ziepc zuoqc hnyouv zoux. Se gorngv mbuo maiv longc ziepc zuoqv hnyouv zoux nor se hngangv **Yesu hemx Faa^li^si Mienh caux njaaux leiz nyei fin-saeng nor.** Yesu gorngv, **"Naaiv deix mienh longc nzuih taaih Yie, mv baac ninh mbuo nyei hnyouv leih duqv Yie go haic.** Ninh mbuo zangc yie se **maiv lamh longc."** (Matv^taai 15:8-9). Hngangv naaiv, **se gorngv mbuo maiv longc ziepc zuoqv hnyouv zoux nor,** se mv maaih haaix nyungc eix-leiz bun Tin-Hungh yiem mbuo zoux nyei gong. Jangx jienv, mbuo baamh **mienh mangc beih zangc caux mienh zoux nyei sic hngangv, mv baac Tin-Hungh mangc mbuo nyei hnyouv caux mbuo zoux nyei jauv hngangv** haaix nor. Weic naaiv, **mbuo cingx daaih gorngv baaix zangc Tin-Hungh nyei jauv** se longc jienv haic, baaix zangc **Tin-Hungh nyei jauv se mv zeiz ei leiz zoux hngangv. Se longc ziepc zuoqv hnyouv zoux, yaac ziangh zien zoux. Loz-hnoi mbuo mienh** Zangc mienv nyei ziangh hoc, mbuo **sipv mienv** nyei jauv se mbuo ei leiz zoux hngangv, Mv baac baaix zangc Tin-Hungh nyei jauv se maiv zeiz hngangv naaic.

G. MBENC ZOUX LEIZ-BAAIX NYEI GONG-GINC SE:

1. Jaa-ndaangc oix zoux leiz-baaix nyei ziangh hoc, oix zuqc hiuv dingc maaih mienh tengx zoux gong, mbenc zeiv; mbenc nzung; mbenc Ging-sou; mbenc fongc horc nyei bienh, caux mbenc singx hnaangx.
2. Jaa-ndaangc oix zoux leiz-baaix nyei ziangh hoc, oix zuqc maaih mienh mbenc dorngc caux mbenc nyungc-nyungc long weic zoux leiz-baaix nyei jauv.
3. Zoux gong dorh mienh zoux leiz-baaix caux mbenc zoux leiz-baaix wuov deix oix zuqc daaih ndaangc zoux leiz-baaix nyei mienh.
4. Oix zuqc box mengh daaih nziaauc nyei mienh bun jiu baang hiuv duqv ninh, yaac bun

ninh hiuv duqv mbuo nyei jiu bang.

5. Oix zuqc maaih mienh zipv kaeqv caux daaih nziaauc nyei mienh zoux doic jiu tong, tengx ninh lorz nzung, lorz Ging-sou, caux nyungc-nyungc ninh qiemx zuqc hiuv nyei jauv.
6. Oix zuqc maaih mienh tengx bouh fongc horc bienh, fai tengx siouc fongc horc nyaanh.
7. Oix zuqc maaih mienh tengx liuc leiz siou ga'naaiv caux fioux zoux leiz-baaix nyei dorngx, dongh mbuo zoux baac leiz-baaix nyei ziangh hoc wuov.
8. Se gorngv haiv dauh maaih lengc jeiv nzung fai zingh ginx waac oix baaux fai oix gorngv nor, ninh oix zuqc mbuox ndaangc mbenc leiz-baaix nyei gong-kor mienh, fai dorh leiz-baaix nyei mienh caux box mengh nyei mienh hiuv duqv aengx zoqc yaac, ninh oix zuqc mbuox ndaangc yietc i hnoi nyei dorngx.

HOQC BAAIX ZANGC TIN-HUNGH NYEI JAUV

Tov meih dau gaax dongh meih hoqc jiex daaih nyei jauv oc.

1. Haiv dauh baaix zangc Tin-Hungh? (Haih ginv duqv ziex joux dau nyei waac).
 - a. Giduc mienh. b. Yiu'tai mienh. c. l'saa^laam. d. dongh maiv sienx nyei mienh.
2. Baaix zangc Tin-Hungh nyei jauv se hnavg haaix nor? (Haih ginv duqv ziex joux waac).
 - a. Bueix jienv. b. Souv jienv. c. Zueiz jienv. d. Gueic jienv. e. Ndoqv jienv. f. biorngz jienv m'nqorngv.
3. Baaix zangc Tin-Hungh nyei jauv horpc nyei se dongh haaix nyungc? (Ginv duqv ziex joux waac).
 - a. Longc singx lings baaix zangc. b. Zorng-zuqv sueih eix zoux. Oix zuqc zuqv zong horng hui-houx.
4. Mbuo horpc zuqc yiem haaix baaix zangc Tin-Hungh duqv? (Haih ginv duqv ziex joux waac).
 - a. Yiem kaeqv-biauv. b. Yiem mbaah nyei dorngx. c. Yiem ziec-dorngx. d. Yiem jiu bang.
 - e. Yiem biauv. f. Yiem lomc. g. Yiem miuc-biauv. h. Yiem Ye^le^saa^lem nyei Singx Dinc.
5. Dongh haaix nyungc jauv mbuo baaix zangc Tin-Hungh mv baac Tin-Hungh gorngv mbuo maiv zez baaix zangc Ninh? (Haih ginv duqv ziex joux dau nyei waac).
 - a. Eix-leiz zoux.
 - b. Longc saeng-kuv ziec. c. Ei mienv nyei jauv. e. Ei mbuo nyei hnyouv zoux.

H. BAAIX ZANGC TIN-HUNGH NYEI EIX-LEIZ

Baaix zangc Tin-Hungh nyei jauv, ang^gitv waac gorngv "Worship" naaiv joux waac nyei eix-leiz se yiem Anglo-Saxon wuov joux waac cuotv daaih gorngv (**worthy**) maaih **jaa-zinh nyei** ga'naaiv fai gorngv (quality) longx nyei jauv. Eix-leiz se gorngv longx nyei maaih **jaa-zinh nyei** ga'naaiv.

Baaix zangc Tin-Hungh nyei jauv se mbuo funx Tin-Hungh se jaaix jiex maaih **jaa-zinh** hlaang jiex nyei Ziouv, **hnavg naaiv mbuo baaix zangc Tin-Hungh nyei jauv**, mbuo cingx daaih oix lorz waac longx nyei maaih eix-leiz nyei daaih ceng Tin-Hungh. Weic zuqc mbuo sienx gorngv Tin-Hungh se hlo jiez maanc muotc, **longx jiez maanc muotc nyei Ziouv. Weic zuqc Tin-Hungh se cing-nzengc haic nyei Ziouv.** Loz-hnoi Tin-Hungh nyei baeqc fingx l'saa^laa^en mienh baaix zangc Tin-Hungh nyei jauv, **ninh mbuo lorz waac hlang nyei**, maaih eix-leiz nyei daaih longc ceng baaix Tin-Hungh, taaih Tin-Hungh. Ceng baaix Tin-Hungh nyei jauv, nyungc zeiv se hnavg yiem Laauc Yaangh Sou 5:7-14 nor. "7 Ba'gi Yungh Dorn ziouc mingh zorqv yiem zueiz hung hunc dinc wuov dauh nyei mbiaauc jieqv buoz wuov njunc sou daaih. 8 Zorqv wuov zanc, wuov deix biei dauh nangh nyei ga'naaiv caux wuov deix nyic-ziepc feix dauh mienh gox gueic njiec Ba'gi Yungh Dorn nyei nza'hmien. Ninh mbuo dauh dauh nanv jienv daanh baah caux jiem-bunh. *Jiem-bunh yaac maaih hung buangv nzengc, se Tin-Hungh nyei mienh dauh gaux nyei waac.* 9 Ninh mbuo yaac baaux diuh siang-nzung. Nzung gorngv, "Meih puix duqv zorqv naaiv njunc sou, puix duqv maeqv nqoi sou-njunc nyei yienx. Weic zuqc meih zuqc daix daic longc ganh nyei nziaamv maaiz mienh, se maaiz yiem maanc fingx, maanc nyungc waac, maanc nyungc mienh, maanc guoqv daaih nyei mienh, daaih bun Tin-Hungh. 10 Meih bun ninh mbuo zoux Tin-Hungh nyei guoqv nyei baeqc fingx, yaac zoux sai mienh fuh sux yie mbuo nyei Tin-Hungh. Ninh mbuo yaac oix gunv baamh gen." 11 Yie aengx mangc yaac haiz maaih cin-cin waanc-waanc dauh fin-mienh nyei qiex. Fin-mienh weih jienv hung weic caux wuov deix biei dauh nangh nyei ga'naaiv caux wuov deix mienh gox 12 yaac longc qiex hlo nyei gorngv, "Zuqc daix wuov dauh Ba'gi Yungh Dorn puix duqv yie mbuo ceng weic zuqc ninh maaih hung lingc, nyungc-nyungc maaih nzoih, maaih cong-mengh, maaih qaqv, maaih mengh hoc, yaac maaih njang-laangc. Yie mbuo ceng meih aqv." 13 Yie yaac haiz yiem tin-dorng, yiem baamh gen, yiem ndau-ndiev, yiem koiv gu'nyuoz, Tin-Hungh zeix daaih maaih

qiex nyei maanc muotc ga'naaiv lomh nzoih gorngv, "Ceng zueiz jienv hungh weic wuov dauh, yaac ceng Ba'gi Yungh Dorn taux maanc gouv maanc doic. Weic zuqc ninh mbuo zoux hlo, maaih njang-laangc yaac maaih qaqv." 14 Wuov deix bieï dauh nangh nyei ga'naaiv gorngv, "Aa^men". Zuangx mienh gox yaac gueic njiec baaix"

"8 Naaiv deix bieï dauh nangh nyei ga'naaiv dauh dauh maaih juqv kuaaiv ndaatv. Yaac maaih m'zing **buangv nzengc sin, liemh gu'nyuoz ga'nyiec.** Ninh mbuo ziangh hnoi ziangh muonz maiv dingh liouh nyei gorngv, "Cing-nzengc, cing-nzengc, cing-nzengc, Nernh Jiex nyei Ziouv Tin-Hungh, dongh zinh ndaangc yiem, ih zanc yiem, nqa'haav oix daaih wuov dauh." **9 Haaix zanc naaiv deix bieï dauh nangh nyei ga'naaiv ceng, taaih, laengz zingh zueiz jienv hungh weic,** dongh yietc liuz ziangh jienv taux maanc gouv **maanc doic wuov dauh,** 10 wuov deix nyic-ziepc feix dauh mienh gox ziouc gueic njiec baaix zueiz jienv hungh weic, dongh yietc liuz ziangh taux maanc gouv maanc doic wuov dauh. Ninh mbuo muonx ganh nyei ningv hietv jienv wuov norm weic nza'hmien yaac gorngv, **11 "Yie mbuo nyei Ziouv,** yie mbuo nyei Tin-Hungh aah, meih puix duqv yie mbuo ceng, **puix duqv yie mbuo taaih, puix duqv zipv lingc,** weic zuqc meih zeix maanc muotc cuotv daaih. **Maanc muotc ei meih nyei eix duqv zeix cuotv daaih, yaac duqv** ziangh jienv." (Laauc Yaangh 4:8-11).

"Baaix zangc nyei jauv" se hngangv mienh funx ga'naaiv maaih jaa-zinh nyei jauv bun ninh mbuo **nyei maengc wuov nyungc, ninh mbuo longc ziangh hoc longc** qaqv zimh lorz. Hngangv naaiv **baaix zangc Tin-Hungh nyei jauv se mbuo ceng baaix,** taaih Tin-Hungh nyei jauv. Mbuo ceng baaix Tin-Hungh nyei jauv se funx jaaix haic nyei jauv, mbuo oix zuqc longc hnyouv zoux, weic **taaih ginx Tin-Hungh. Haaix zanc mbuo gapv zunv doic daaih ceng baaix** Tin-Hungh mbuo **fungx Tin-Hungh se maaih jaa-zinh** nyei Ziouv bun mbuo. Hngangv naaiv mbuo oix zuqc longc **hnyouv, longc ziangh hoc ceng baaix Tin-Hungh.** Ceng baaix Tin-Hungh yiem Hipv^lu waac **gorngv "Kabod" eix-leiz se gorngv "njang-laangc"** Tin-Hungh nyei mbuox. Naaiv joux waac yiem **Loz-Ngaengc Buv sou gorngv 147 nzunc.** Ceng baaix taaih Tin-Hungh naaiv joux waac maaih 33 nzunc. Ceng Tin-Hungh nyei waac se hngangv yiem (**I^saa^yaa sou 6:1-3; Lauc Yaangh 4:8-11**).

Haaix zanc mbuo gapv zunv daaih baaix zangc Tin-Hungh nyei ziangh hoc, mbuo taaih Tin-Hungh, mbuo funx Tin-Hungh benx maaih jaa-zinh nyei Ziouv bun mbuo yiem mbuo nyei maengc. Weic naaiv, dongh Mbuo baaix zangc Tin-Hungh nyei ziangh hoc, mbuo oix zuqc maaih nzung ceng Tin-Hungh yaac **maaih waac taaih Tin-Hungh. Naaiv se bun cing mbuo taaih** Tin-Hungh nyei jauv. Ging-Sou gorngv Tin-Hungh zeix daaih nyei maanc muotc ga'naaiv ceng taaih Tin-Hungh, weic zuqc Tin-Hungh se hlo jiez, nernh jiez, maaih jaa-zinh jiez nyei Ziouv yiem mbuo nyei maengc.

I. BAAIX ZANGC TIN-HUNGH NYEI EIX-LEIZ YIEM SIANG-NGAENG C WAAC

Siang-ngaengc waac gorngv **"DOXA" fai "doxology"** eix-leiz se gorngv ceng Tin-Hungh nyei mengh. Naaiv joux waac longc 154 nzunc yiem Siang-Ngaengc Waac Sou. Naaiv joux waac nyei eix-leiz se gorngv Tin-Hungh puix duqv maanc mienh ceng, weic zuqc ninh se dongh zeix maanc muotc cuotv daaih wuov dauh (**Lauc Yaangh 4:11; Lauc Yaangh 5:13-14**). Fin-Mienh baaix nzung gorngv, **"Ceng Tin-Hungh, yiem hlang jhex nyei dorngx wuov dauh. Lungh ndiev mienh, dongh ninh a'hneiv wuov deix, oix duqv baengh orn."** (Lugaa 2:14).

J. BAAIX ZANGC TIN-HUNGH NYEI EIX-LEIZ YIEM LOZ-NGAENG C WAAC SOU

Baaix zangc Tin-Hungh nyei waac longc yiem Loz-Ngaengc waac gorngv "Shachah" eix-leiz se gorngv ndoqv njiec baaix fai gueic njiec baaix (Cuotv I^yipv 4:31). Naaiv se bun cing mbuo taaih Tin-Hungh tong nimc Tin-Hungh nyei jauv. **Loz-hnoi Tin-Hungh nyei baeqc fingx** I^saa^laa^en mienh, baaix zangc Tin-Hungh nyei jauv se hngangv naaiv zoux, ninh mbuo biux mengh Tin-Hungh se hlo haic, mbuo oix zuqc taaih yaac tong nimc Ninh (**2 Chronicles 29:27-30 = Zunh Doic Douh**).

Hngangv naaiv zoux se bun cing mbuo longc nzengc mbuo nyei hnyouv baaix zangc Tin-Hungh, yaac taaih ginx Tin-Hungh. **Yaac maaih eix-leiz gorngv mbuo laengz mbuoqc, mbuo laengz** muangx Tin-Hungh gunv mbuo. Mbuo nyunc bun Tin-Hungh zoux Ziouv gunv mbuo dorh mbuo.

Yiem Lauc Yaangh Sou mbuox mbuo gorngv, haiv zanc mienh ceng baaix Tin-Hungh nyei ziangh hoc wuov deix bieï dauh nangh nyei ga'naaiv gorngv Aa^men, naaiv maaih haaix nyungc eix-leiz? **Ei naaiv deix** waac nor, mbuo hiuv duqv gorngv aa^men naaiv joux waac se mv zeiz mbuo baamh mienh nyei waac, se fin-mienh nyei waac. Tov meih doqc **Lauc Yaangh sou 5:13-14** mangc oc.

V. JIU-BANG NYEI EIX-LEIZ JAUV:

A. JIU-BANG SE HAIV NYUNGCG? Eix-leiz se heuc cuotv daaih nyei mienh. Giduc mienh se Tin-Hungh heuc yiem zuiz cuotv daaih nyei mienh, “Jiu Bang” naav joux waac nyei eix-leiz se yiem Siang-Ngaengc Waac caux Loz-Ngaengc Waac sou cuotv daaih. Gikc waac gorngv “**ekkklesia**” eix-leiz se heuc cuotv daaih nyei mienh. Yiem Loz-Ngaengc waac sou, Mose fiev nyei wuov deix biao buonv Hipv^lu waac faan daaih benx Gikc waac gorngv “**Jiu-Bang**” naav joux waac longc 100 nzunc. Jiu-Bang naav joux waac yiem Hipv^lu waac nyei eix-leiz se gorngv “**heuc cuotv daaih gapv zunv nyei mienh**” (Nzamc Leiz-Latc 9:10; Yo^so^waa 8:35; Ye^li^mie 26:17). Yiem Siang-Ngaengc Waac “**ekkklesia**” naav joux waac eix-leiz se gorngv Giduc mienh dongh Giduc heuc cuotv daaih wuov guanh mienh, ninh mbuo nyei jiu tong javu caux nitv fatv nyei javu se yiem Giduc. Naav joux waac Baulo fin-saeng zanc-zanc longc, dongh gorngv tauv “**Jiu-Bang**” (**Fi^le^mon 1:2; Ko^lo^si 4:15; 1 Ko^lin^to 11:18; 14:15**).

Jiu-Bang se dongh sienx kaux Yesu zoux ninh mbuo nyei njoux Ziouv wuov deix mienh, mbuo heuc jiu bang, dongh sienx kaux Yesu nyei mienh se Tin-Hungh heuc mbuo cuotv naav baamh gen daaih nyei mienh, mbuo nyei lingh wuonh maiv guei deic-nyuoqc aqv, mbuo se benx yiem daic cuotv daaih nyei mienh. Tin-Hungh heuc mbuo, ginv mbuo yiem zuiz cuotv daaih, mbuo sienx kaux Yesu nyei mienh, mbuo nyei lingh wuonh biaux ndutv deic-nyuoqc nyei kuotv mi^aqv. Yesu gorngv, “Yie gorngv zien mbuox meih mbuo, haaix dauh muangx Yie nyei waac yaac sienx kaux paaiv Yie daaih wuov dauh, ziouc duqv yietc liuz nyei maengc, yaac maiv zuqc dingc zuiz. Ninh biaux ndutv daic nyei javu duqv ziangh maengc”(Yo^han 5:24). Weic zuqc haiv dauh sienx kaux Yesu nyei mienh se, Singx Lingh nyei leiz-bun ninh leih ndutv daic nyei javu caux dingc zuiz nyei javu mi^aqv(Lomaa 8:1-2).

Jiu-Bang se benx Giduc nyei sin, lungn ndiev nyei jiu-bang, se dongh sienx kaux yaac bungx hnyouv Ziouv Giduc wuov deix mienh, maiv gunv ninh mbuo yiem haaix doic mienh, haaix gitv lungn ndiev, danh fanh sienx kaux Yesu, yaac nyiemc Yesu zoux Ziouv wuov deix mienh gapv daaih se benx Yesu nyei sin(Jiu-Bang). Jiu-Bang se dongh sienx Yesu nyei mienh, gapv jienv yiem ganh nyei buonc-deic dorngx, norm-norm leiz-baaix zoux leiz-baaix ceng Tin-Hungh, muangx zunh doz, (Tin-Hungh nyei waac) caux doic jiu tong, tengx Yesu zoux zorng-zengx, dauh gauh, nyanc Singx Hnaangx, yaac caux jienv doic zoux ganh nyungc fuh sux Tin-Hungh nyei gong. Dauh dauh Giduc mienh, ninh ganh oix zuqc maaih buonc fuh sux Tin-Hungh nyei javu cingx funx benx zien Giduc mienh. Fuh sux Tin-Hungh nyei javu se benx Tin-Hungh paaiv njiec nyei waac, yaac benx Tin-Hungh nyei lingc. Nyungc zeiv se hngangv naav:

1. Lomaa 12:11

“Maiv dungx lueic. Oix zuqc jorm hnyouv jienh fuh sux Ziouv Yesu.”

2. Hipv^lu 10:25-26

“Maiv dungx guangc maiv gapv zunv zoux leiz-baaix, hngangv maaih deix mienh guangc guenx nor. Daaux nzuonx laanh oix zuqc yietc zeikuinx laanh weic zuqc meih mbuo hiuv duqv Ziouv siemv zuiz nyei Hnoi tauv fatv aqv.”

B. JIU-BANG NYEI GONG

Jiu-bang nyei gong se ceix Giduc nyei sin se dongh Jiu-bang ganh aqv. Jiu-bang nyei gong se da'yietv nyungc mouz dauh Giduc mienh maaih buonc ceix ganh nyei maengc faaux nitv Tin-Hungh, gan longx Tin-Hungh, muangx Tin-Hungh nyei waac, zoux cing-nzengc nyei javu, horpc **fim dongh eix nyei juangc jienv fuh sux Tin-Hungh, laanh ceix laanh** faaux yiem Tin-Hungh (**Lomaa 12:16-17; Lomaa 14:18-19; 1 Yo^han 4:7-12**). Da'nyeic nyungc se tengx Yesu zoux zorng-zengx zunh Yesu nyei kuv fieng bun lungn ndiev mienh hiuv tauv Njoux En nyei javu, naav se Yesu paaiv bun mbuo meiz dauh sienx Yesu mienh nyei gong (**Matv^taai 28:19-20; Maako 16:14-18; Lugaa 24:36-49; Yo^han 20:19-23; Gong-Zoh 1:6-8**). Naav nyungc gong se mv zeiz kungx yietc dauh mienh ganh zoux nyei gong hngangv, yietc dauh mienh ganh hngangv yaac maiv haih zoux mv cuotv, oix zuqc maaih zix dauh juangc jienv zoux. **Yesu yaac maiv zeiz kungx paaiv nduqc dauh** mienh ganh zoux hngangv, ninh paaiv bun yietc zungv sienx kaux ninh nyei mienh. Yesu maiv gorngv “**Meih**” oix zuqc mingh njaaux maanc fingx mienh zoux Yie nyei sai-gorx, mv baac Ninh gorngv “**Meih Mbuo**” oix zuqc mingh njaaux maanc fingx mienh zoux Yie nyei sai-gorx. Zunh Kuv Fienx nyei gong se yietc zungv Giduc mienh nyei gong.

Fuh sux Tin-Hungh nyei javu fai zoux **Tin-Hungh nyei gong se njaaux Tin-Hungh nyei waac** Ging-Sou bun mienh **hiuv duqv** Tin-Hungh, njaaux mienh fai dorh mienh ceng baaix Tin-Hungh. Nyungc zeiv se hngangv mbuo njaaux nzung fai dorh mienh baaux nzung ceng Tin-Hungh. Ging-Sou gorngv heuc mbuo fuh sux Tin-Hungh nyei javu maiv dungx lueic, yaac maiv dungx zuov ziangh hoc(Lomaa 12:11; 1 Ti^mo^tai 4:1-5). Mbuo dauh dauh sienx Yesu nyei mienh oix zuqc maaih buonc fuh sux Yesu zoux Ninh nyei gong. **Mbuo fuh sux Tin-Hungh fai zoux** Yesu nyei gong maiv zeiz weic bietv njoux en nyei javu, mv baac naav benx njoux en nyei zorng-zengx, maaih hnyouv fuh sux Tin-Hungh fai zoux Yesu nyei gong wuov deix mienh, se bun cing ninh mbuo benx duqv njoux nyei mienh.

C. GUNV GOUX JAA-DINGH NYEI MIENH

Gunv goux nyei mienh naav joux waac se maaih haaix nyungc eix-leiz?

Naaiv joux waac nyei eix-leiz se yietc dauh mienh tengx "**Ganh Dauh Mienh**" goux jaa-dingh. Ninh goux nyei ga'naaiv se mv maaih yietc nyungc ga'naaiv benx ninh nyei buonc.

Mv baac tengx ninh nyei ziouv goux hngangv. Yiem **Ang^gitv** Ging-Sou longc benx i joux waac nyungc zeiv se hngangv naaiv:

1. **Lugaa 12:42**

1.1 Mienh Ging-Sou gorngv "**Goux Jaa-Dingh Nyei Mienh.**"

1.2 Ang^gitv waac NIV Ging-Sou gorngv "**Manager.**"

1.3 Ang^gitv waac KJV Ging-Sou gorngv "**Steward.**"

1.4 Gikc waac gorngv "

1.5 Taaiv-waac gorngv "**9hoginvoly9pN:nv**"

2. **Matv^taai 25:14-21**

2.1 Mienh waac "**Banh Zeic**" fai "**Buonh Zeic.**"

2.2 NIV Bible "**Talents.**"

D. **TIN-HUNGH NYEI ZA'EIX PAAIV NJIEC BUN**

1. Mbuo baamh mienh gunv goux Tin-Hungh zeix daaih nyei maanc muotc ga'naaiv

1.1 Tin-Hungh gorngv mbuox Aa^ndam mbuo " Meih mbuo oix zuqc maaih fu'jueiv hiaangx daaih buangv lungv ndiev yaac gunv duqv mbuoqc lungv ndiev nyei ga'naaiv." Tin Deic Douh 1:26-30

1.2 Tin-Hungh ceix fuqv ceix conggh mengh bun Yosepv, ninh ziouv duqv zoux ziouv gunv ninh nyei ziouv Bo^ti^faa nyei jaa-dingh Tin Deic Douh 39:2-6

1.3 Tin-Hungh se benx maanc muotc nyei Ziouv, nyungc-nyungc ga'naaiv ninh zeix daaih benx ninh nyei, mbuo se benx gunv gong mienh hngangv, tengx Tin-Hungh ziux goux dongh Tin-Hungh paaiv bun mbuo goux nyei buonc jaa-dingh (1 Zunh Doic Douh 29:14-16).

2. **Mbuo oix zuqc zieqv duqv Tin-Hungh se dongh zoux Ziouv wuov dauh.**

2.1 Baamh gen caux yiem baamh gen nyei ga'naaiv se Tin-Hungh nyei (Singx Nzung 24:1-2; 1 Zunh Doic Douh 29:11-19; 1 Ko^lin^to 10:25-31).

3. **Maaih jaa-zinh nyei Giduc mienh yiem fuh sux Tin-Hungh nyei jauv**

3.1 Mbuo nyei maengc caux mbuo zoux nyei sic(Seix Zanc Nzung 4:4-6; Maa^laa^ki 2:12-13; Maa^laa^ki 3:3-4; Lugaa 1:14; Lugaa 12:16-31; Lugaa 19:1-8; 1 Ti^mo^tai 6:6-19).

3.2 Mbuo zoux nyei gong (2 Ti^mo^tai 3:6-13).

3.3 Mbuo nyei eix-leiz (Singx Nzung 28:20-22; Matv^taai 6:2-4; 6:19-31; 19:21-26; Maako 14:11; Gong-Zoh 8:18-23; Lomaa 13:8; 1 Yo^han 2 :15).

3.4 Mbuo nyei mouz deic saaiv longc zinh nyaanh nyei (Nzamc Leiz-Latc 8:7-14; 2 Saa^mu^en 8:11; 1 Zunh Doic Douh 18:11; Matv^taai 4:8-9; Ko^lo^si 1:16-18).

3.5 Ciev ziec nyei fongc horc(Maako 12:41-44; Lomaa 12:1-8; 2 Ko^lin^to 8:9-15).

4. **Giduc mienh saaiv longc zinh nyaanh nyei jauv**

4.1 Longc ziux goux muangv doic (Maako 7:9-13; 1 Ti^mo^tai 5:4-8).

4.2 Longc zoux fuh sux Tin-Hungh nyei jauv (1 Zunh Doic Douh 29:2-5; Ne^haa^mi 10:32; Singx Nzung 40:6; Congh Mengh Sou 21:27; Matv^taai 25:31-46; Maako 14:3-9).

4.3 Longc zoux Tin-Hungh nyei gong(2 Ko^lin^to 11:8-16; Fi^lipv^poi 4:10-20; 1 Ti^mo^tai 5:18).

4.4 Longc tengx mienh jomc mienh (Congh Mengh Sou 22:9; Matv^taai 5:42; Luga 18:22-24; Gong-Zoh 11:29; Lomaa 15:26-27; 1 Yo^han 3:17; Gong-Zoh 20:35; 24:17).

4.5 Longc cuotv nzou-zinh (Matv^taai 22:21; Maako 12:13-17; Lomaa 14:1-4).

VI. **BUN-JAEV SIC DAAUH JAUV –**

Giduc mienh nyei maengc, maiv gunv mbuo duqv Yesu guangc liuz zuiz, benx duqv njoux nyei **mienh, ganh zoix yungz jhex nyei mienh aqv**, mv baac maiv maaih haiv dauh haih biaux duqv ndutv seix hnyouv nyei sic. Meih zungv corc oix zuqc buangh nyungc-nyungc sic hngangv dauh dauh baamh mienh zanc-zanc zuqc buangh nyei sic nor. Hngangv naaiv Giduc mienh qiemx zuqc hoqc hiuv taux hngangv haaix nor bun-jaev nyungc-nyungc **sic daauh jauv dongh** meih buangh zuqc sic nyei ziangh hoc. Hngangv naaiv tov meih tengx jienv hnamv taux naaiv deix jauv yiem naaiv mingh. Nyungc zeiv se hngangv naaiv nor mingh:

1. Sic Yiem Haaix Daaih

A. Dongh nyiez sic fai dorh sic daaih hoic mbuo nyei gorn-baengx se yiem naaiv deix jauv daaih.

1. Mbuo nyei aapv eix (Yaagorpc 1:13-15).
2. Saa^daan nyei za'eix (Matv^taai 4:3-10; 1 Bide 5:8-9).
3. Mengh daauh jauv daaih (I^saa^yaa 14:12-15; E^se^ken 28:12-17; Tin-Deic Douh 3:6-12).
4. Mauv ga'naaiv nyei jauv fai hnyouv hlo nyei jauv daaih (1 Ti^mo^tai 6:6-10).

B. Zuiz nyei gorn-baengx se yiem naaiv deix jauv daaih.

1. Zuiz se yiem mengh daauh nyei jauv daaih (I^saa^yaa 14:12-16; E^se^ken 18:12-17).
2. Mueic jieqv caux hanc nyei jauv daaih (Tin Deic Douh 3:6-17; Yaaporpc 1:14-15).
3. Yiem hnyouv hnamv cuotv daaih (Matv^taai 15:19-20; Gaa^laa^tie 5:19-20).
4. Baac-baac liepc hnyouv zoux dorngc (Yaagorpc 4:17; 1 Yo^han 4:17).

C. Mienh baamz zuiz nyei jauv fai zoux dorngc nyei jauv se.

1. Maaih 80 o/o yiem mienh nyei aapv eix daaih.
2. Maaih 20 o/o yiem Saa^daan daaih.
3. Yiem Tin-Hungh daaih nyei se 0 o/o .

2. Bun-Jaev Sic Nyei Jauv

A. Meih horpc zuqc hiuv duqv sic daauh jauv caux bun-jaev sic nyei jauv (1 Ko^lin^to 2:9-16)

1. Giduc mienh dauh dauh oix zuqc maaih za'eix hiuv duqv hngangv haaix nor bun-jaev sic, dongh ninh mbuo buangh zuqc, fai sic cuotv yiem ninh mbuo nyei nza'hmien nyei ziangh hoc. Ninh mbuo oix zuqc hiuv duqv gorngv, naaiv deix sic se zoux haaix nyungc cuotv daaih, yaac yiem haaix daaih.
2. 1 Ko^lin^to 12:10 Biux mengh bun mbuo hiuv duqv gorngv, Singx Lingh ganh oix tengx mbuo, bun mbuo haih samx duqv cuotv haaix nyungc se yiem Singx Lingh daaih, haaix nyungc se yiem mienv, aengx caux nyungc-nyungc sic.
3. Hipv^lu 5:11-14 **gorngv, dongh mienh sienx kaux Tin-Hungh wuov deix yaac oix duqv zipv wuonh** zaang yiem Tin-Hungh daaih, **ei jienv Tin-Hungh** nyei waac zoux, ninh mbuo ziouc hlo daaih benx domh mienh, **yaac haih samx duqv cuotv maanc sic, haaix nyungc se longx nyei, haaix nyungc se waaic nyei jauv.**
4. Meih oix zuqc longc Tin-Hungh nyei waac tengx meih zaah mangc maanc sic dongh cuotv yiem meih nyei nza'hmien fai dongh meih buangh zuqc nyei nyungc-nyungc sic, **mangc gaax naaic deix sic se yiem Tin-Hungh daaih fai maiv zeiz** (Hipv^lu 4:12; 1 Te^saa^lo^ni^gaa 5:21-22).

3. Seix Hnyouv Nyei Sic Cuotv Yiem Mbuo Nyei Maengc

A. **Se gorngv yiem Tin-Hungh daaih nyei buonc nor:**

1. Se benx Tin-Hungh mborqv njaaux mbuo nyei jauv, yaac weic hnamv (Hipv^lu 12:3-11).
2. Se weic laaix mbuo leih Tin-Hungh go(Laauc Yaangh 2:4-5).
3. Weic bun mbuo maaih nyungc zeiv haih tengx ganh dauh (2 Ko^lin^to 1:3-5).
4. Weic oix bun mbuo maaih noic, maaih hnyouv suonc nyei jauv (Lomaa 5:3-5)

B. **Se gorngv yiem Saa^daan daaih nyei buonc nor:**

1. Weic oix mietc mbuo nyei maengc (1 Bide 5:8)
2. Weic oix lorz jauv gox mbuo (Laauc Yaangc 12:10).

3. Weic oix nduov mbuo caux ninh(Saa^daan) zoux zuiz (Matv^taai 4:3-10; Yopv 1:1-2:13).

C. Se gorngv yiem mbuo nyei aapv eix daaih nor:

1. Se weic mauv zinh mauv nyaanh nyei hnyouv (2 Ti^mo^tai 6:6-11; Hipv^lu 13:5).
2. Se weic mauv mengh daauh mengh hoc jauv (I^saa^yaa 14:13-15; E^se^ken 28:17).
3. Se weic buangh liouh nyei jauv (2 Saa^mu^en 11:1-27; Yaagorpc 1:13-15).
4. Se weic mienh maiv gunv ganh nyei buonh sin (Matv^taai 5:27-30; Gaa^laa^tie 5:19-21).

4. Hnangv Haaix Nor Haih Bun-Jaev Sic Daauh Jauv

- A. Da'yietv oix zuqc dauv gaux yaac lorv congh mengh yiem Tin-Hungh daaih weic tengx meih haih hiuv duqv hnangv haaix nor haih bun-jaev sic(Yaagorpc 1:5-8).
- B. Tov meih ei jienv naaiv deix jauv bun-jaev meih nyei sic oc:
1. Se gorngv yiem Tin-Hungh daaih nor, oix zuqc laengz zipv yaac oix zuqc bun-jaev horpc nyei(1 Te^saa^lo^ni^gaa 5:16-23; Lomaa 8:28-29).
 2. Se gorngv yiem Saa^daan daaih nor oix zuqc ngaengc jienv
 - 2.1 Oix zuqc ngaengc jienv yaac borngv taux hingh (Yaagorpc 4:7-8).
 - 2.2 Oix zuqc tov Ziouv Yesu nyei nziaamv daaih beu jienv meih mbuo(LY 12:11).
 - 2.3 Jangx jienv Tin-Hungh ganh oix tengx mbuo duqv hingh jiex nyungc-nyungc sic. (1 Ko^lin^to 10:13; Hipv^lu 2:18; Hipv^lu 4:14-16; 2 Bide 2:9; 1 Yo^han 3:8; 1 Yo^han 4:4; 1 Yo^han 5:18).

C. Se gorngv yiem mbuo ganh daaih nor(se zuiz nyei jauv) mbuo oix zuqc nyiemc zuiz bun Tin-Hungh. Tov Tin-Hungh guangc mbuo nyei zuiz.

1. Se gorngv mbuo maiv nyiemc bun Tin-Hungh nor, mbuo liouh jienv jauv bun Saa^daan oix bieqc daaih gunv mbuo nyei maengc hoic mbuo(E^fe^so 4:26-27).
2. Zuiz se oix zoux bun mbuo ndortv njiec Tin-Hungh nyei njoux en (Lomaa 3:23).
3. Nyiemc zuiz nyei jauv se bun mbuo duqv Tin-Hungh guangc mbuo nyei zuiz (1 Yo^han 1:7-9).
4. Nyiemc zuiz bun Tin-Hungh nyei jauv se tengx mbuo haih duqv nitv fatv Tin-Hungh yaac haih duqv hingh jiex Saa^daan (Yaagorpc 4:7-8).

Nzutv Norz Waac

Bun-jaev sic nyei jauv se tengx mbuo horqc hiuv taux hnangv haaix nor gunv goux mbuo ganh nyei nza^hmien buonc caux hnangv haaix nor, haih tengx mienh nyei jauv. Bun-jaev sic nyei jauv se:

1. Da'yietv mbuo oix zuqc dauv gaux tov Tin-Hungh bun congh mengh mbuo.
2. Da'nyeic mbuo oix zuqc samx nyungc-nyungc cuotv daaih nyei sic se yiem haaix daaih.
3. Se gorngv yiem mbuo nyei hnyouv cuotv nor, se yiem zuiz daaih oix zuqc nyiemc bun Tin-Hungh.
4. Jangx jienv oix zuqc nitv fatv Yesu, Yesu haih tengx mbuo duqv hingh (Yo^han 16:33).

Hnangv Haaix Nor Haih Hiuv Duqv Mbuo Zoux Nyei Jauv Horpc Fai Maiv Horpc Se Oix Zuqc Seix Mangc Nyungc-Nyungc Sic (1 Te^saa^lo^ni^gaa 5:18-22).

1. Yie hnangv naaiv zoux se bun Tin-Hungh duqv njang-laangc nyei fai?
2. Yie hnangv naaiv zoux se haih tengx yie caux yie nyei hmuangv doic duqv longx nyei fai?
3. Yie hnangv naaiv zoux se haih bun yie nyei gorx-youh ndiqv zuqc ndorpc nyei fai?

Se gorngv mbuo zoux nyei jauv mv paanx mv deix buo ginc waac nor, mbuo mv haih zoux mv duqv, se gorngv mbuo zoux nor se mbuo dornvc aqv.

VII. FONGC HORC CAUX FUNGX NZUONX BUN TIN-HUNGH NYEI JAUV

Ging-Sou duqv njaaux taux fongc horc ziepc gouv nyei yietc gouv javu, fai mbuo maaih nyei ga'naaiv, zinh nyaanh, ziangh hoc, mbuo nyei banh zeic bun Tin-Hungh, aengx caux nyungc-nyungc ga'naaiv dongh mbuo maaih nyei bun Tin-Hungh. Nyungc zeiv se hngangv naaiv:

1. Fongc horc ziepc gouv nyei yietc gouv javu, se dongh Tin-Hungh ceix bun mbuo nyei nyungc-nyungc ga'naaiv, mbuo bun nzuonx Tin-Hungh.
2. Lengc jeiv fongc horc.
3. Cuotv fim tengx mienh jomc mienh.
4. Cuotv nyaanh zorc Singx Dingc.

Fongc horc nyei javu se maaih 4 nyungc benx longc jienv nyei javu bun taux Giduc mienh nyei maengc. Giduc mienh camv nyei maiv bieqc hnyouv taux naaiv deix javu, caux maaih camv nyei yaac bieqc hnyouv dorngc, fai maaih la'nyauv nyei javu.

Fungx Nzuonx Ziepc Gouv Nyei Yietc Gouv Bun Tin-Hungh Nyei Jauv

“Ziepc gouv nyei yietc gouv” fai “fungx nzuonx nyei javu” eix-leiz se ziepc baa^senh (10 o/o) fai yietc baeqv bun ziepc yiem nyungc-nyungc javu, dongh Tin-Hungh ceix bun **mbuo maaih nyei maengc**, mbuo horpc zuqc dorh yietc baeqv gouv nyei ziepc gouv, fai ziepc gouv nyei yietc gouv ga'naaiv nzuonx bun Tin-Hungh.

1. Zinh nyaanh caux nyungc-nyungc ga'naaiv.
2. Ziangh hoc.
3. Congh mengh banh zeic javu.

Fongc horc ziepc gouv nyei yietc gouv se benx Tin-Hungh paaiv njiec bun sienx Tin-Hungh nyei **mienh dauh dauh**, oix zuqc ei jienv zoux, naaiv deix javu se yiem loz-hnoi Tin-Hungh nyei baec fingx jhex gorn zoux taux ih zanc aqv, mbuo haih mangc duqv Ging-Sou gorngv nyei javu nyei, se hngangv:

1. Benx Tin-Hungh paaiv bun dauh dauh nyei waac fongc horc ziepc gouv nyei yietc gouv.

Lewi Sou 27:30-34 “Yiem ndau cuotv nyei yietc zungv ga'naaiv, liemh laangh ziqc liemh ndiangx nyei biouv, ziepc gouv nyei yietc gouv benx Ziouv nyei mi'aqv. Se gorngv haaix dauh oix zuoqc haaix deix ninh nyei ziepc gouv nyei yietc gouv, oix zuqc bun buonh zinh aengx jaa tipv baa gouv nyei yietc gouv. Da'faanh ngongh guanh, ba'gi yungh fai yungh guanh, ziepc gouv nyei yietc gouv, se ziepc dauh nyei yietc dauh ziouc cing-nzengc weic fungx bun Ziouv. Maiv dungx ginv cuotv benx fai maiv benx yaac maiv dungx tiuv. Se gorngv ninh gengh oix tiuv nor, liemh dorh daaih wuov dauh caux oix tiuv wuov dauh se cing-nzengc mi'aqv. Maiv haih zuoqc aqv.” Naaiv deix hatc nyei waac se Ziouv yiem Si^naai Mbong jiu bun Mose weic I^saa^laa^en Mienh.

2. Tin-Hungh bun Tin-Hungh nyei ziepc gouv nyei yietc gouv ga'naaiv dongh fuh sux Tin-Hungh buangv ziangh hoc nyei mienh longc.

Saaub Mienh Sou 18:21 “I^saa^laa^en Mienh fongc horc ziepc gouv nyei yietc gouv ga'naaiv yie jiu bun Lewi Mienh zoux ninh mbuo nzipc nyei buonc, winh ninh mbuo yiem Wuic Buangh Ndopv-Liuh fuh sux, zoux nyei gong.”

3. Tin-Hungh gorngv dongh maiv fongc horc ziepc gouv nyei yietc gouv wuov deix mienh se pienx Tin-Hungh nyei ga'naaiv.

Maa^laa^ki 3:8 “Mienh haih luv Tin-Hungh nyei fai? Meih mbuo zungv lov liuz yie aqv.

“Mv baac meih mbuo corc aengx naaic, “Yie mbuo hngangv haaix nor lov meih? “Yiem ziepc gouv nyei yietc gouv wuov caux fongc horc nyei javu.”

4. Tin-Hungh zioux yaac maiv ceix fuqv bun dongh pienx Tin-Hungh nyei nyaanh wuov deix.

Maa^laa^ki 3:9 “Meih mbuo zuqc zioux aqv –yietc zungv deic-bung nyei mienh, weic zuqc meih mbuo luv yie nyei nyaanh.”

5. Tin-Hungh laengz jienv ceix fuqv bun dongh fongc horc ziepc gouv nyei yietc gouv wuov deix.

Maa^laa^ki 3:10-11 “**Yie se Nernh jhex nyei Ziouv, caux Yie** yaac ndouv meih mbuo seix Yie. Dorh yietc zungv ziepc gouv nyei yietc gouv fongc horc nyei ga’naaiv daaih dapv siou ga’naaiv **nyei lamh maah**, hnavgv naaic nziex yie nyei **biauv haih maaih deix nyanc hopv. Liuz Yie ziouc oix** koi nqoi tin-dorngh nyei **gaengh dox fuqv njiec bun meih mbuo zungv mv maaih dorngh dapv mv njiec** nyei wuov nyungc. Yie yaac oix dingh jopv mv bun nyanc meih mbuo nyei gaengh zuangx ga’naaiv caux meih mbuo nyei a’ngunc biouv maiv cuotv nyei javv.

6. Fongc Horc Nyei Jauv

Fongc horc nyei javv se hnavgv nyungc-nyungc javv nor, fongc horc nyei javv se dongh mbuo bun liuz ziepc gouv nyei yietc gouv wuov, fai dongh mbuo **fungx nzuonx bun liuz Tin-Hungh nyei buonc. Maiv gunv se mbuo nyei zinh** nyaanh, fai congh mengh, banh zeic javv, fai ziangh hoc, mbuo longc fuh sux Tin-Hungh caux ninh nyei gong.

Fongc Horc Horpc Nyei Jauv Se Hnavgv

1. Dongh mbuo buangv hnyouv bun nyei ga’naaiv (Lewi 2-3 Zaang gorngv nor).
2. Tin-Hungh oix bun meih maaih buonc fongc horpc bun Tin-Hungh (Lewi 2:2).
3. Tin-Hungh oix a’hneiv weic meih zoux nyei gong (Lewi 3:16).
4. Fongc horc nyei javv bun yaac maiv dungx korh fiqv (2 Ko^lin^to 9:6-8).
5. Zinh nyaanh nyungc-nyungc ga’naaiv “ziepc gouv nyei yietc gouv” wuov deix maiv funx benx lengc jeiv fongc horc nyei ga’naaiv.

A. Cuotv Fim Tengx Mienh Nyei Jauv

Tengx mienh nyei javv se yiem mbuo maaih nyei nyungc-nyungc javv, zinh nyaanh, ziangh hoc, **fai congh mengh, banh zeic javv**, tengx dongh mienh maiv lamh kaux dorngh nyei mienh. **Tengx dongh mv maaih nyanc, mv maaih hopv nyei mienh.**

Tengx mienh nyei javv se maiv haih funx bieqc benx ziepc gouv nyei yietc gouv. **Ziepc gouv nyei yietc gouv yaac maiv funx benx cuotv** tengx mienh nyei javv. Tengx mienh jomc mienh nyei javv yaac maiv haih funx benx lengc jeiv fongc horc nyei javv .

B. Cuotv Fim Tengx Mienh Nyei Jauv Se Hnavgv Naaiv

1. Benx cuotv fim tengx mienh nyei javv (2 Ko^lin^to 9:5).
2. Maiv zeiz zoux weic duqv mengh daauh fai bun mienh ceng (Matv^taai 6:1-4).
3. Tin-Hungh yaac buangv hnyouv meih zoux nyei kuv sic (Gong Zoh 10:30-31).
4. Bun yaac maiv dungx korh fiqv (2 Ko^lin^to 9: 7).
5. Tengx mienh nyei javv se benx buonc mbuo sienx nyei javv (Yaagorpc 2:14-17)

VIII. JIU BANG NYEI GONG

Jiu bang nyei gong se dongh haaix? Jiu bang nyei gong se ceix liepc jiu-bang daaih weic fuh sux Tin-Hungh, mbuo horpc zuqc hiuv ndaangc gorngv Ziouv Yesu liepc jiu-bang daaih weic haaix diuc, mbuo cingx haih ceix daaih doix-diuc caux Ziouv Yesu nyei za’eix. Ging-sou njaaux mbuo hiuv duqv jiu-bang liepc daaih weic, taaih ceng fai bouh Ziouv Yesu nyei mengh hoc faaux. Jiu Bang liepc daaih se weic biux mengh Yesu nyei sin bun lunggh ndiev mienh hiuv. Jiu-bang liepc daaih se weic zunh Ziouv Yesu nyei njoux en nyei kuv fieng bun lunggh ndiev mienh. Jiu-bang yaac liepc daaih weic taan fai capv ninh nyei guoqv cuotv, naaiv nzunc bun mbuo zaah mangc yietc nyungc yietc nyungc nyei eix-leiz.

A. Jiu-bang liepc daaih weic taaih ceng fai bouh Ziouv Yesu nyei mengc hoc:

7 Daaux nzuonx ninh maaih nyei nyungc-nyungc siev jienv guangc nzengc, zipv nouh nyei fiem-fingx, benx dauh baamh mienh. 8 Za'gengh maaih mienh nyei fangx zeiv. Ninh ganh yaac laengz zoux faix, muangx Tin-Hungh nyei waac taux daic, taux zuqc yiem ziepc nzaangc jaax daic. 9 Weic naaiv Tin-Hungh taaih ninh zoux gauh hlo jiex, yaac bun ninh maaih mbuox gauh hlang jiex maanc mbuox nyei mbuox. 10 Hnangv naaiv, weic taaih Yesu nyei mbuox, yiem tin-dorng, yiem yaangh gen, caux yiem yiemh gen nyei yietc zungv oix zuqc gueic njiec baaix. 11 Dauh dauh oix nyiemc Yesu Giduc zoux Ziouv, ziouc taaih Zangc Diex Tin-ungh. (Fi'Nip^poi2:7-11)

Jiu-bang jiex gorn yiem mbuo baamh mienh zieqv duqv Ziouv Yesu se dongh Giduc, ziangh jienv wuov dauh Tin-Hungh nyei Dorn (Matv taai 16:16) Jiu Bang nyei mouz deic yaac jiex gorn yiem mienh zieqv duqv gorngv mbuo ganh se maiv zeiz zoux ziouv, se Ziouv Yesu zoux mbuo nyei Ziouv. Weic zuqc Ziouv Yesu longc ninh ganh nyei maengc daic yiem ziepc zaangc jaax maaiz mbuo daaih benx ninh nyei mi'aqv. Ziouv Yesu ganh hnangv horpc zuqc zoux mbuo nyei Ziouv gunv mbuo, Ninh horpc zuqc zueiz jienv weic zoux Ziouv gunv mbuo, yaac zoux Jiu Bang nyei m'nqorngv. Mbuo horpc zuqc mbuoqc Ninh, zoux ei ninh nyei za'eix dongh biux mengh bun mbuo hiuv yiem Ging-Sou wuov, weic njang laangc Ninh nyei mengh hoc.

"22 Tin-Hungh yaac zorqv maanc muotc hietv Giduc nyei zaux-ndiev, paaiv ninh zoux jiu-baang nyei m'nqorngv gunv jiu-baang nyei nyungc-nyungc. 23 Jiu-baang se Giduc nyei sin yaac zoux bun Giduc dunh yunh nzengc. Giduc se dongh bun nyungc-nyungc dunh yunh nzengc wuov dauh". (E^fe^so 1:22-23)

"Meih mbuo maiv hiuv fai? Meih mbuo nyei sin se Singx Lingh nyei dinc, Tin-Hungh bun daaih nyei Singx Lingh yiem meih mbuo guh nyuoz. Meih mbuo nyei sin se maiv zeiz meih mbuo ganh nyei, se Tin-Hungh nyei. Tin-Hungh maaiz meih mbuo daaih jaaix haic, hnangv naaic meih mbuo oix zuqc longc meih mbuo nyei sin taaih Tin-Hungh." (1Ko^lin^to 6:19-20)

"18 Meih mbuo hiuv duqv Tin-Hungh zuoqc meih mbuo yiem ong-taaix, doic jiex doic, maiv lamh longc nyei javv cuotv daaih. Ninh maiv zeiz longc haih zitc nyei ga'naaiv hnangv jiem fai nyaanh. 19 Ninh longc Giduc jaaix haic nyei nziaamv zuoqc meih mbuo. Giduc se hnangv maiv waaic fangx yaac maiv maaih dorngx nqemh nyei ba'gi yungh dorn nor." 1 Bidec1:18-19)

"8 Oix zuqc faix fim, maiv dungx bun haaix dauh longc baamh mienh nyei cong-mengh hnamv cuotv daaih nyei leiz fai kung-waac (wack) meih mbuo. Se nduov meih mbuo gan baamh mienh doic nzipc doic nyei leiz caux yiem gunv ndaamh lung h nyei mienv daaih nyei leiz, maiv zeiz yiem Giduc daaih. 9 Weic zuqc Tin-Hungh nyei fiem-fingx yiem Giduc nyei sin nzoih nzeng, 10 meih mbuo caux Giduc juangc maengc ziangh ziouc nyungc-nyungc maaiah nzoih. Giduc yaac gunv* yietc zungv yiem ndaamh lung maaiah lingc maaiah qaqv gunv sic wuov deix." (Ko^lo^si 2:8-10)

"18 Ninh zoux sin nyei m'nqorngv, se dongh jiu-baang nyei m'nqorngv, yaac zoux gorn bun sin ziangh jienv.* Ninh dongh daic mingh aengx nangh daaih nyei daauh dauh weic bun ninh yiem maanc muotc zoux da'yietv." (Ko^lo^si 1:18) (Aengx mangc Yohan 19-21; Maako 14-16; Matv^taai 27-28) Jiu-bang nyei za'eix dongh dengv taux naaiv norm muoz deic

B. Baaix Zangc Ceng Tin-Hungh Nyei Jauv (Dorh leiz baaix nyei gong) Muoz deic: Weic zuqc buoqc zangc baaix ceng (zoux leiz baaix) benx yietc norm zoux maqc jiex nyei gong yiem jiu-bang, zoqc-zoqc yietc norm leiz baaix zoux nzunc, yaac longc jienv jiex. jiu-bang mienh qiem zuqc hiuv duqv ninh nyei zien eix-leiz, cingx haih zien-zien nyei zaangc Tin-Hungh. "zien-zien nyei zangc Zangc Diex wuov deix oix longc Singx Lingh caux zienx leiz zangc. Weic zuqc Zangc Diex lorz naaiv nyungc mienh zangc Ninh." (Yohan 4:23) Ging-sou yaac gorngv Tin-Hungh maiv oix mienh longc nzuih baengx taaih ninh mv baac hnyouv leih go Tin-Hungh (Mat^taai 15:8; Aa^motv 5:21-23)

C. Hnangv haaix nor zoux:

- 1) Njaaux porv bun jiu-bang mienh hiuv taux buoqc zangc fai ceng baaix Tin-Hungh nyei javv.
- 2) Lorz dongh bieqc hnyouv yaac maaiah hnyouv taux baaix ceng nyei mienh,caux maaiah zingh nyeic daaih liuc leiz dorh buoqc zaangc baaix ceng nyei guan h. Liepc buoqc zaangc baaix ceng nyei guan h jiex daaih, maaiah borqv lorh nzox, patv daanh baah, zaatv Piano, baaux nzung mienh.
- 3) Njaaux ninh mbuo hiuv taux ganh oix zuqc ndorm muonz maaiah baaix ceng nyei maengc, maiv daan leiz baaix hnoi hnangv.
- 4) Njaaux ninh mbuo hiuv taux ninh mbuo nyei gong se:
 - a. Fongc horc ninh mbuo ceng nyei qiex caux ceng nyei waac bun Tin-Hungh benx jiex gorn

- dorh mienh baux duqv zuqc pou, baux duqv mbui.
- c. hinc longc nzengc hnyouv ceng nyei nyungc zeiv dorh jiu-bang doic haiz oix caux jienv mbuo fongc horc ceng nyei qiex bun Tin-Hungh.
 - d. Faix fim jiex maiv dungx mingh lorz mbuo ganh nyei buonc, bun mienh ceng mbuo, weic zuqc Tin-Hungh ganh nduqc dauh horpc zuqc duqv njang-laangc.
 1. Dorh ninh mbuo horqc nzung ndaangc taux leiz baaix hnoi.
 2. Ginv nzung dongh maaih eix-leiz taux fongc ceng Tin-Hungh nyei waac, dorh meinhangx taux Tin-Hungh cing-nzengc, Tin-Hungh ndongc haaix longx, ndongc haaix hlo, ndongc haaix nernh, ndongc haaix korh lienh mienh, hnamv mienh, maaih en zing ndongc haaix hlo bun mbuo, Ninh nyei mengc dongc haaix jaaix bun mbuo.
 3. Bun qangx jiu-bang mienh maaih buonc caux jienv fongc horc ceng, yiem zingh ginx nyei waac lengc jeiv nzung. Longc sin zaangc zoux eix leiz fongc horc ceng bun Tin-Hungh.
 4. Ceix jiex lun wuov baan, fuqc jueiv, mienh lunx mienh, taux buoqc zaangc baaix ceng nyei javv.
 5. Cernx, leux (training) buoqc zaangc baaix ceng nyei javv bun ninh maaih longx jienv faaux.
 6. Yaac bungx fong bun maaih qangx haih tiuv duqv zorc duqv nyei, eix Singx Lingh dorh.

D. Jiu Bang Liepc Daaih Weic Biux Mengh Ziouv Yesu Bun Baamh Gen.

“11 Dongh naaiv dauh fungx zingh nyeic bun maanc mienh. Maaih deix duqv zingh nyeic zoux gong-zoh. Maaih deix duqv zoux douc waac mienh, maaih deix duqv zoux zunh kuv fiex nyei mienh, maaih deix duqv zoux goux jiu-baang nyei mienh, maaih deix duqv zoux fin-saeng. 12 Ninh hngv naaiv nor zoux weic liuc leiz ziangx Tin-Hungh nyei mienh zoux Giduc nyei gong weic ceix jiez Giduc nyei sin. 13 Zuov taux mbuo yietc zungv dongh diuc hnyouv sienx longx, hiuv Tin-Hungh nyei Dorn, mbuo ziouc ei lingh wuonh nyei javv benx domh mienh, yaac dunh yunh hngv nzengc Giduc. (E^{fe}so 4:11-13)

Yietc nyungc longc jienv haic nyei javv bun Jiu Bang, se Jiu Bang nyei muoz deic, se oix zuqc bun Jiu Bang mienh nyei maengc goiv yienc. Naaiv se qiex zuqc, oix zuqc zong-mbenc njaaux Ging-Sou bun Jiu Bang mienh, fai maaih cernx, lioux taux hngv haaix nor zoux Giduc nyei sai-gorc, fai hngv haaix nor zoux zingh ginx bun maiv sienx nyei mienh yietc dauh zoux zingh ginx bun yietc dauh muangx nyei javv. Yaac oix zuqc njaaux sienx nyei mienh yiem Jiu-Bang hiuv duqv hngv haaix nor siev ganh weic tengx ganh dauh, laanh tengx laanh, laanh ceix laanh, bun ninh mbuo hiuv taux Jiu Bang se Giduc nyei sin, Tin-Hungh bun Singx Lingh gapv mbuo daaih juangc benx hngv yietc dauh mienh, yietc norm sin wuov nor. Dauh dauh Jiu Bang mienh zipv duqv Singx Lingh nyei zoqc-zoqc se yietc nyungc zingh nyeic daaih longc weic ceix jiez ziangh norm Giduc nyei sin (Jiu-Bang.) *“16 Giduc gunv jienv sin zangc nyei nyungc-nyungc, bun sin daaux duqv horpc, yietc hlamx yietc hlamx bangc nyatv daaux jienv ziouc gapv jienv benx yietc norm sin. Sin zangc nyei nyungc-nyungc zoux horpc ninh ganh nyei gong wuov zanc, laanh ziouc hnamv laanh, sin yaac manc-manc hlo, ceix ganh jiez daaih.” (E^{fe}so 4:16)*

“15 Meih oix zuqc longc naaiv deix waac njaaux mienh. Yaac oix zuqc longc nzengc meih nyei hatc maaz kuinx mienh, gorngv-hemx mienh”. (Titdatc 2:15) “Oix zuqc mbuox mbuo nyei mienh hoqc longc ninh mbuo nyei ziangh hoc zoux longx nyei sic weic duqv hnoi-hnoi qiex longc nyei ga’naaiv. Maiv oix ninh mbuo yiem seix zangc zoux maiv cuotv haaix nyungc. (Titdatc 3:14)

“Meih mbuo oix zuqc hnoi-hnoi laanh kuinx laanh, da’faanh corc maaih dongh mienh heuc, “Ih Hnoi” nyei hnoi, weic maiv bun meih mbuo haaix dauh zuqc zuiz nduov ninh hnyouv ngaengc.” (Hipv^{lu} 3:13)

“Mbuo yaac oix zuqc hnamv mangc gaax, hngv haaix nor haih tengx laanh yietc ze hnamv laanh, yietc ze zoux kuv sic. 25 Maiv dungx guangc maiv gapv zunv zoux leiz-baaix, hngv maaih deix mienh guangc guenx nor. Daux nzuonx laanh oix zuqc yietc ze kuinx laanh weic zuqc meih mbuo hiuv duqv Ziouv siemv zuiz nyei Hnoi taux fatv aqv.” (Hipv^{lu} 10:24-25)

“Zuangx gorx-youz aac, se gorngv zorqv duqv haaix dauh dorngc haaix nyungc zuiz, meih mbuo ei Singx Lingh zoux nyei mienh oix zuqc longc suonc hnyouv dorh ninh nzuonx daaih zoux horpc. Mv baac meih mbuo oix zuqc faix fim. Nziex ganh yaac zuqc nduov zoux dorngc. 2 Haaix dauh maaih haaix nyungc sic oix zuqc laanh tengx laanh ndaam. Hngv naaic meih mbuo ziouc ei jienv Giduc nyei lingc zoux.” (Gaa^{maa}tie 6:1-2) (aenx mangc Lomaa 12:4-8; 1Ko^{lin}to 12-14; Gong-zoh 4:34-35)

Jiu-bang horpc zuqc mbenc za’eix (Ministries) daaih dengv taux naaiv norm jiu-bang nyei muoz deic, weic ceix Giduc mienh maaih maengc zuangv Ziouv Yesu.

mbenc oix dorng jaa nyei mienh. (Marriage Preparation and development ministry) Muoz deic: weic zong-mbenc dorn caux sieqv dongh hiuv doic benx gorngv-waac mienh. Tengx ninh mbuo lorz Tin-Hungh nyei za’eix hiuv duqv gengh

horpc zuqc caux doic dornj jaa nyei fai? Yaac tengx ninh mbuo hiuv duqv cing-nzengc nyei gan doic. Yaac tengx ninh mbuo haih hingh jhex seix hnyouv nyei sic, yiem ih jaax hnoi waaic nyei leiz fingx. Weic zuqc

- 1). haaix dauh hiuv duqv Giduc hngangv naaix nor paanx taux ninh nyei maengc nor ziouc maaih gorn ndorqv bun mbuo haih duqv zoux horpc bun mbuo nyei cai-doix.
- 2). Jiu-bang nyei gong haih mingh deic yaac haih henv se gauh camv yiem hmuangv doic cuotv. Se gornjv hmuangv doic wuonv yaac henv nor jiu-bang yaac henv caux jienv.
- 3). Haaix dauh maaih qangx duqc haiz Tin-Hungh nyei waac nor, gauh camv haih mbuoqc Tin-Hungh, maiv gunv Ging-sou nyei waac doix-dekc ninh mbuo zoux nyei za'eix, fai ninh mbuo nyei oix.
- 4). Benx mbuo jiu-bang nyei gong tengx ninh mbuo horqc hiuv taux zien hnamv, yaac tengx zaangv kuinx ninh mbuo maiv dorngc zuiz.
- 5). Pouh tong dorn caux sieqv maiv nangc gunv taux ninh mbuo gornjv-waac mienh nyei maengc, ninh nyei die maa hngangv haaix nor dorh hlo daaih, sienx fim henv fai maiv henv, hnamv Tin-Hungh fai maiv hnamv. Lingh wuonh benx domh mienh aqv fai. Mbuo ziouc haih maaih qangx duqv tengx ninh mbuo jangx taux naaic.
- 6). Dongh zornj-mbenc ninh mbuo gornjv ziangh caux gapv huon naaiv benx longc jienv haic nyei qangx haih tengx duqv ninh mbuo, weic zuqc ninh mbuo gauh suonc hnyouv bun doic. Yaac gauh suonc hnyouv bun njaaux nyei mienh, yiem naaiv norm ziangh hoc ninh mbuo yaac gauh maaih hnyouv zipv mienh njaaux ninh mbuo nyei waac:
- 7). Dorh ninh mbuo buangh doic nyei ziangh hoc. Benx longx haic nyei ziangh hoc bun mbuo haih duqv mbenc ninh mbuo nyei lingh wuonh hlo benx domh mienh, dorh ninh mbuo hiuv duqv taux oix faix fim haaix nyungc javu dongh haih hoic zuqc ninh mbuo dorng jaa nyei seix. Hngangv haaix nor taaih doic, weic teng ninh mbuo dorng jaa nyei seix maaih baengh orn.
- 8). Leih liuz aengx oix siang dorng jaa nyei mienh nor, mbuo ziouc haih duqv longc naaiv norm qangx bun ninh mbuo zoux horpc Ging-sou. Oix zuqc zaah muonc nyei yiem yietc doix yietc doix nyei za'hmien, mangc gaax mbuo horpc zuqc teng ninh mbuo dorng jaa nyei fai mv horpc.
- 9). Haaix doix menh, se gornjv mbuo duqv tengx liuc leiz mbenc ninh mbuo nyei dorng-jaa javu nor, aengx gauh hungh heic bun mbuo nqa'haav haih mingh njaaux, mingh kuinx ninh mbuo, dongh ninh mbuo maaih sic nyei ziangh hoc. yaac gauh hungh heic bun mbuo dorh ninh mbuo nyei lingh wuonh hlo faaux.

E. Ceix Cai-Doix Nyei Muoz Deic Jauv:

1. Se gornjv oix maaih jiu bang henv yaac wuon nor, oix zuqc ceix jhex ziepc zuoqv hnyouv gan Giduc nyei mienh, yaac maaih wuonv nyei hmungv doic, wuonv nyei jaa-dingh. Jiu bang mienh oix zuqc maaih mienh hinc cuotv goiv yienc nyei maengc yiem jiu baang.
2. Ceix jhex ziepc zuoqv hnyouv nyei Giduc mienh. Weic zuqc dorng jaa nyei mienh se weih benx domh mienh aqv. Oix zuqc ceix ninh mbuo nyei lingh wuonh benx domh mienh. Dorh ninh mbuo jhex gorn liuc leiz fux sux Tin-Hungh yiem jiu-bang. Benx siev duqv fongc horc, siev duqv ninh mbuo nyei qaqv, ziangh hoc, caux zinh nyaanh, yaac laengz longc Tin-Hungh bun daaih nyei zingh nyeic weic ceix Tin-Hungh nyei guoqv jaangv mingh.
3. ceix wuonv nyei hmuangv doic jaa-dingh. Mbuo gengh oix zuqc maaih hnyouv ceix wuonv nyei hmuangv doic. Weic zuqc wuonv nyei hmuangv doic haih tengx mbuo nyei leiz fingx wuonv. Yaac benx gorn ndoqv bun jiu-bang wuonv. i hmuangv nyei maengc beiv taux Giduc caux jiu-bang, cingx daaih gengh oix zuqc maaih longx nyei fangx zeiv. Weic zuqc wangc siangx nyei hmuangv doic benx wuonv nyei gorn ndoqv bun jiu-bang henv. Mbuo cingx oix zuqc ceix jhex hmungv doic, orn hnyouv tengv jienv ninh mbuo gapv doic weic ceix jhex ninh mbuo nyei lingh wuonh.
4. Taan goiv yienc nyei maengc bun doic. Dongh i hmuangv guanh juangc jienv yiem. Dorh

neyi mienh maaih longx neyi nyungc zeiv dorh ninh mbuo. Ziouc haih zoux bun ninh mbuo neyi maengc goiv yienc zuangv Ziouv Yesu.

F. Ceix Fu'Jueiv-Faix Yiem 11 Hnyangx Njiec Maengx Nyei Gong (Children's Ministry)

Muoz deic: weic oix tengx jienv jiu-bang mienh dongh maaih fu'jueiv neyi mienh liepc ziangh maengc neyi gorn-ndoqv wuonv, bun ninh mbuo neyi fuqc jueiv haih maaih wuonv neyi gorn-ndoqv. Dorh fu'jueiv daaih jiu tong caux Tin-Hungh, zipv Ziouv Yesu mbenx ninh mbuo neyi Njoux Ziouv. **Mbuo sienx gorngv:**

- 1) Fu'jueiv neyi maengc se longc jienv haic Tin-Hungh yaac gunv taux ninh mbuo.
- 2) Mbuo sienx gorngv fu'jueiv Zipv Ziouv Yesu zoux njoux Ziouv se za'gengh tiuv ninh mbuo neyi maengc, tiuv ninh mbuo neyi hnyouv nzuonx daaih lorz Tin-Hungh, maiv zeiz kungx dangh baav hhangv.
- 3) Mbuo sienx gorngv ceix fu'jueiv neyi gong se oix zuqc gorngv fu'jueiv neyi waac bieqc hnyouv fu'jueiv, zoux neyi eix-leiz, haih caux duqv ninh mbuo njiec. Maiv haih longc caux domh mienh zoux gong neyi eix leiz mingh caux fu'jueiv zoux.
- 4) Mbuo sienx gorngv zoux ceix fu'jueiv neyi gong, oix zuqc zanc-zanc hnamv cuotv siang-za'eix, tiuv jienv mingh. Maiv zeiz zanc-zanc hhangv loz wuov nor zoux bun ninh mbuo yioux.
- 5) Zoux gong mienh ceix fu'jueiv oix zuqc caux fu'jueiv jiu tong zuoqc ninh mbuo neyi. Maiv zeiz kungx njaaux Ging-Sou hhangv.
- 6) Fu'jueiv ziangh daaih oix mienh laengz zipv ninh mbuo, hietv hnyouv ninh mbuo, maiv oix mienh gorngv nqemh ninh mbuo.
- 7) Fu'jueiv gauh hungh hec sienx, gauh hungh hec dorh se gorngv mbuo mbenc gong daaih naauc ngitc neyi. Yaac maaih siang neyi za'eix. Zorng dorngx bun ninh mbuo kuh mingh kuh mangc.
- 8) Fu'jueiv hungh hec zuotc nyungc, njaaux neyi mienh oix zuqc faix fim gorngv neyi waac caux zoux neyi sic.

G. Ceix Fu'jueiv-hlo (Junior High) Nyei Gong (A Ministry That Impacts Junior High Students)

Muoz deic: weic ceix fu'jueiv yiem 6th grade mingh taux 8th grade, se oix zuqc dau duqv zuqc ninh mbuo qiem zuqc neyi jav. Domh mienh caux ninh mbuo jiu tong doic, tengx ninh mbuo neyi ga'qiex, ninh mbuo neyi hnyouv, ninh mbuo neyi lingh wuonh. Hhangv haaix nor ceix ninh mbuo?

1. Zoux gong tengx ninh mbuo neyi mienh oix zuqc lengc jeiv yaac sic jeiv yietc dauh yietc dauh jiu tong caux ninh mbuo, zuoqc ninh mbuo, laengz zipv ninh mbuo.
2. Tengx ninh mbuo hiuv duqv Tin-Hungh buatac ninh mbuo maaih lamh longc yaac hnamv ninh mbuo neyi. Weic zuqc ninh mbuo kungx maaih waac naaic, naaic wuov naaic naaiv. Ninh mbuo maaih lamh longc neyi fai? Mienh oix ninh mbuo neyi fai maiv oix.
3. Taan Ging-sou bun ninh mbuo gengh oix zuqc bieqc taux ninh mbuo naaiv baan mienh neyi maengc. Dorh ninh mbuo zoux drama. Dongh panx taux naaiv baan mienh neyi maengc. Cingx haih bun ninh mbuo gauh bieqc hnyouv.

H. Ceix Mienh Lunx Mienh Nyei Gong. (A high school ministry)

Muoz deic: weic tengx high school neyi mienh lunx mienh haih souv wuonv yiem sienx fim yaac gan longx Tin-Hungh, zorng mbenc ninh mbuo benx jiu-bang neyi qaqv. Yaac tengx ninh mbuo fungx maengc bun Tin-Hungh longc.maiv zeiz bun zuiz longc.

I. Njaaux Fu'Jueiv Fuh Sux Tin-Hungh Nyei Jauv

1. **GRACE** - Tengx ninh mbuo sic jeiv neyi hiuv duqv Tin-Hungh neyi en, hiuv duqv dingc Ziouv Yesu zoux ninh mbuo neyi njoux Ziouv. Maiv guangc ninh mbuo.

2. **GROWTH** -Tengx ninh mbuo longc hnyouv liuc leiz ninh mbuo nyei lingh wuonh hlo benx domh mienh, bun ninh mbuo maaih maengc goiv yienc, haih hnamv, haih daav za'eix, haih liuz leiz gong, tengx jienv jiu bang zoux jienv gong mingh.
3. **GROUP** - Tengx ninh mbuo longc hnyouv nyei caux jienv doic ceix mienh lunx guanh, ziepc zuoqv hnyouv bun doic.
4. **GIFTS** - Tengx ninh mbuo hoqc hiuv yaac zieqv duqv Tin-Hungh bun ninh mbuo nyei zingh nyeic dorh daaih longc weic fuh sux Tin-Hungh
5. **GIVING** - Tengx ninh mbuo hoqc hiuv taux maaih buonc liuz leiz Tin-Hungh nyei gong, caux jienv benx yietc norm sin yaac fongc horc zinh nyaanh weic dengv jiu-bang nyei gong.

J. Ceix Domh Mienh Dongh Maiv Gaengh Dong Jaa Nyei Mienh (single adult ministry)

Muoz deic: weic tengx hnyangx jeiv horpc zuqc dong jaa mv baac maiv gaengv duqv dornj jaa nyei mienh, (20 hnyangx faaux maengx) haih souv duqv wuonv yiem seix hnyouv nyei sic, dorh duqv ninh mbuo nyei maengc cing-nzengc, yaac haih longc Tin-hungh nyei za'eix lorz cai-doix. Tengx ninh mbuo bungx hnyouv Tin-Hungh. Tengx ninh mbuo buac taux fuh sux Tin-Hungh nyei jauv se longc jienv haic. Bun ninh mbuo laanh haih ceix laanh faaux daaih.

K. Ceix M'sieqv Dorn Guanh Nyei Gong (women's ministry)

Muoz deic: weic tengx zornj mbenc m'sieqv dorn fuh sux Tin-hungh, tengx ninh mbuo nyei lingh wuonh hlo, haih dengv hmuang doic fuh sux Tin-hungh, yaac zoux kuv maa, kuv auv. Kuv gux, hnangv haaix nor tengx taux m'sieqv dorn nyei jauv:

1. M'sieqv dorn se guei hnamv nyei jauv yaac gauh muonc tengx mbuo hnamv duqv gauh longx. Zoux haaix nyungc yaac sung maaih yietc nyeic, Yaac maaih haangh dauh haic nyei yiem jiu-bang.
2. M'sieqv dorn faix fim nyei longc ziangh hoc, zoux haaix nyungc oix hnamv mangc gaax zic duqv guangc ziangh hoc nyei fai.? Zoux liuz gengh duqv zoux ziangx nyei fai? Zoux haaix nyungc gengh oix zoux taux duqv.
3. M'sieqv dorn maaih hnouv oix zorc ganh bun gauh longx jienv mingh (self-improvement) maiv gunv yiem buonh sin fai, horqc hiuv fai, hnyouv zoih fai lingh wuonh.
4. Daanh faanh m'sieqv dorn buangh doic nor ndongc haaix zungv cuotc nyungc za'eix aqv.
5. Haaix guanh mienh caa zuqc m'sieqv dorn nor hnangv cipv biangh nyei ndongh maiv maaih biangh cipv wuov nor. Hnang janx kaeqv deic-bung nyei zornj-jaec maiv maaih ndiangx wuov nor.
6. M'sieqv dorn gauh jorm hnyouv gauh suonc hnyouv buoqc Tin-Hungh.

7. Ninh mbuo haih zoux cuotv haaix nyungc?

7. 1. Haih gapv doic hoqc Gng-Sou
7. 2. Ceix sai-gorx yiem m'sieqv dorn mbu'ndongx
7. 3. Koi m'sieqv dorn nyei wuic. Ceix jhex ninh mbuo nyei sienx fim
7. 4. Cuotv mingh mangc mienh, orn hnyouv mienh nyei guanh. Zoux zingh ginx, tengx mienh.
7. 5. Buangh doic hoqc taux hnangv haaix nor fuh sux Tin-Hungh nyei jauv.
7. 6. Tengx zornj leiz baaix dorngh.
7. 7. Tengx m'sieqv dorn doic yiem jiepv sih nyei jauv.
7. 8. Tengx jiu bang lorz nyaanh zoux Tin-Hungh gong, se hnangv zouv ga'naaiv maaic.
7. 9. Baaux nzung atv nzung fungx bun Vietnam deic-bung mienh.
7. 10. Baaux nzung-ei zoux zingh ginx bun mienh hiuv taux Tin-Hungh nyei jauv.
7. 11. Zouv ga'naaiv maaic lorz nyaanh bieqc jiu-bang.
7. 12. Fioux dornjgoux goux cing-nzengc nyei jauv.
7. 13. Haih njaaux Ging-sou, liuc leiz mbenc Ging-Sou njaaux fu'jueiv.

L. Ceix M'jangc Dorn Guanh Nyei Gong(Men's ministry)

Muoz deic caux qiem zuqc nyei: m'jangc dorn weih zoux bieiv dorh hmuangv doic, yaac liuc leiz goux yungz hmuangv doic, maaih qangx yaac oix zuqc liuc leiz bieiv zeiv nyei gong yiem jiu-bang, yiem hiaang-laangz (community). Haaix dauh maaih kuonx hnyouv nyei jauv, lomh zoih laanh tengx laanh orn hnyouv doic, gapv jienv doic laanh ceix laanh nyei sienx fim faaux, tengx cuotv qaqv, cuotv za'eix tengx jienv dengv jiu bang nyei gong.

Hnangv haaix nor zoux?

1. Gapv doic hoqc Ging-Sou, hoqc taux zoux kuv die, kuv nqox, zoux lingsh wuonh nyei dengv bieiv mienh.
2. Gapv doic laanh orn laanh nyei hnyouv, laanh daux gaux weic laanh.
3. Jiu-tong doic weic baav jienv jiu-bang nyei m'jangc dorn dongh sienx fim mau wuov deix. Bun ninh mbuo maaih doic yiem gu'nyuoz jiu-bang, maiv cuotv mingh caux ga'nyiec nyei mienh.
4. Juangc jienv daav za'eix ceix jiu-bang nyei gong. Beiv hnangv lorz nyaanh bieqc jiu-bang. Maaiz dongh qiemx longc nyei ga'naaiv.

M. Ceix Mienh Gox guanh Nyei Gong (Elderly People Ministry)

Muoz deic caux qiemx zuqc tengx : Weic zuqc mienh gox se ndoqc nyei mienh, buonh sin yaac maiv wangc siangx, maaih deix zungv maiv nangc haih tengx duqv ganh, dorn-jueiv yaac oix zuqc zoux gong lorz nyanc. Qiex zuqc duqv zipv orn hnyouv bun maaih lamh hnamv, hnamv mingh wuov ndaangc taux Tin-Hungh nyei ngaengc waac. Maaih deix yiem wuov biau v maaih deix yiem ndie-sai biau v, maaih deix yaac yiem mienh gorx biau v (nursing home) lo haaix.

Mbuo Horpc Zuqc Hnangv Haaix Nor Zoux?

1. Lorz maaih hnyouv korh lienh mienh gox mienh, maaih fuh sux nyei zingh nyei mienh liuc leiz.
2. Mingh mangc mienh gox mienh yiem wuov biau v fai ndie-sai biau v uix hnaangx ninh mbuo, fai dorh njuov mingh bun ninh mbuo nyanc.
3. Dorh cie mingh zipv ninh mbuo daaih buangh doic maaih jiu-tong gorngv waac nzaauc, juangc jienv hoqc Ging-Sou.
4. Dorh ninh mbuo mingh sorngx qaqv(exercise).
5. Juangc jienv daux gaux weic jiu bang caux Tin-Hungh nyei gong.
6. Dorh ninh mbuo cuotv mingh nziaauc yangh jauv, mangc kuh mangc nyei dorngx.
7. Maaih ninh mbuo maiv gaengh sienx nyei doic daaih caux jienv buangh doic nor, mbuo yaac haih duqv zoux zingh ginx dorh ninh mbuo sienx.

N. Jiu-Bang Liepc Daaih Weic Zunh Yesu Nyei Kuv Kienx (Evangelism)

"18 Yesu daaih fatv deix mbuox ninh mbuo, "Yiem lungh yiem ndau yietc zungv hatc maaz Tin-Hungh jiu bun yie mi'aqv. 19 Weic naaiv, meih mbuo oix zuqc mingh njaaux maanc fingx mienh zoux yie nyei sai-gorx. Oix zuqc dengv Die Dorn caux Singx Lingh nyei mbuox tengx ninh mbuo jix wuom nyei leiz, 20 yaac njaaux ninh mbuo ei nzengc yie mbuox meih mbuo zoux nyei nyungc-nyungc. Jangx jienv oc. Yie yietc liuz caux meih mbuo yiem taux baamh gen nyei nyutc zeiv jix." (Matv^taa28:19-20)

mbuo jiu-bang horpc zuqc zipv naaiv domh paaiv nyei waac daaih benx mbuo longc jienv jix nyei gong yiem jiu-bang, bun dauh jiu-bang mienh hiuv duqv gorngv naaiv se benx ninh mbuo nyei gong. Njaaux yaac dorh ninh mbuo hiuv duqv taan Yesu nyei kuv fienx, gorngv mbuo nih mbuo nyei cien-ceqv, muoz-doic, doic fai juagc laangz mienh, mingh taux yiem go nyei mienh taux ganh fingx mienh hiuv taux kuv fienx Tin-Hungh guangc baanh mienh nyei zuiz nipc, dorh mienh goiv hnyouv nzuonx daaih caux Tin-Hungh horpc hnyouv. Heuc mienh nzuonx daaih zipv njaaux caux zorn-gmbenc weic fux sux nih zoux ninh nyei gong-mienh. Zoux zorn-gnzengx bun Ziouv Yesu yiem ndorm muonz ninh mbuo zoux sic ei Ging-sou nyei waac,caux gorngv nyei waac, yaac maaih hnyouv nzauh heix taux maiv gaengv duqv njoux nyei mienh.

"8 Mv baac Singx Lingh njiec daaih yiem meihmbuo nyei sin wuov zanc meih mbuo ziouc duqv Singx Lingh nyei qaqv yiemYe^lu^saa^lem Zingh, mingh gormx Yu^ndie caux Saa^maa^lie Saengv, aengx mingh jomc lungh ndiev tengx yie zoux zorn-gzengx." (Gong-zoh 1:8) "3 Yaac oix zuqc tengx yie mbuo daux gaux, tov Tin-Hungh bun yie mbuo maaih qangx zunh gorngv Tin-Hungh mbiangx yaangh nyei sic se Giduc. Yie ih zanc laaix zoux naaiv nyungc gong zuqc wuonx jienv loh. 4 Oix zuqc tov Tin-Hungh tengx yie haih gorngv mengh naaiv deix mbiangx yaangh nyei sic hnangv yie horpc zuqc gorngv nor. 5 Oix zuqc longc cong-mengh caux maiv sienx nyei mienh jiu tong. Yaac oix zuqc maiv dungx guangc ziangh hoc. 6 Meih mbuo oix zuqc gorngv waac kuh muangx yungh mienh, hnangv an nzaub bun

ga'naaiv maaiah mueix nor, weic bun meih mbuo hiuv duqv hhangv haaix nor dauh duqv hopc dauh dauh mienh naaic nyei waac.(Ko^ko^si 4:3-6)

13 "Meih mbuo se hhangv nzaav weic yiem baamh mienh mbu'ndongx. Se gorngv nzaav nyei mueix tuix zaamv mingh, maaiah haaix nyungc za'eix bun nzaav aengx haih nzaaih daaih? Naaiv deix nzaav maiv lamh longc aqv. Oix zuqc dox njiec ndau bun mienh caaiv hhangv. 14 "Meih mbuo se hhangv njang weic ziux baamh mienh. Yietc norm zingh yiem wuov mbong-ningv maiv haih bingx maiv mbueiz mienh. 15 Yaac maiv maaiah mienh diemv zieqc dang daaih, zorqv tongv nqopv jienv. Dang m'daaiah don dang nyei baaih ziux njang yietc biau v mienh. 16 Meih mbuo yaac oix zuqc hhangv dang nor, ziux lung h ndiev mienh. Hhangv naaic, ninh mbuo duqv buatc meih mbuozoux nyei kuv sic ziouc ceng meih mbuo nyei tin-dorng Diex." (Matv^taai 5:3-6)

36 Yesu buatc naaiv deix mienh camv ninh za'gengh! haiz korh lienh haic weic zuqc ninh mbuo kouv haic, maiv lamh kaux dorngx, hhangv guanh ba'gi yung h maiv maaiah ziouv goux nor. 37 Yesu ziouc mbuox ninh nyei sai-gorx mbuo, "Gaeng-zuangx camv mv baac gong-mienh zoqc. 38 Weic naaiv oix zuqc tov gaeng-zuangx nyei Ziouv paaiv gong-mienh cuotv mingh siou ninh nyei gaeng-zuangx." (Matv^taai 9:36-37)

"14 Se gorngv mienh maiv gaengh sienx Yesu Giduc, ninh mbuo hhangv haaix nor haih heuc ninh? Se gorngv maiv gaengh haiz haaix dauh gorngv jiex Yesu nyei jauv-louc, ninh mbuo hhangv haaix nor haih sienx? Se gorngv maiv maaiah haaix dauh zunh kuv fienv bun ninh mbuo muangx, ninh mbuo hhangv haaix nor haih duqv haiz kuv fienv? 15 Se gorngv maiv maaiah haaix dauh paaiv mienh mingh zunh kuv fienv, mienh hhangv haaix nor haih mingh zunh? Hhangv Ging-Sou gorngv nor, "Buatc mienh daaih zunh kuv fienv gengh a'hneiv haic aqv." 16 Mv baac maiv zeiz l^saa^laa^en Mienh dauh dauh zipv kuv fienv weic zuqc l^saa^yaa gorngv, "Ziouv aac, haaix dauh sienx yie mbuo zunh nyei waac?" 17 Hhangv naaic, mienh sienx weic zuqc ninh mbuo haiz Giduc nyei doz. Ninh mbuo duqv haiz weic zuqc maaiah mienh mingh zunh bun ninh mbuo muangx.(Lomaa 10:14-17)

O. Aengx zaah mangc Matv^taai 22:37-39; E^fe^so 3:16-19; 4:13) Dengv taux naaiv kang jiu-bang nyei muoz deic nyei gong, fai za'eix:

1. Zunh kuv fienv guanh (evangelism ministry)
2. Fungx haengh douh cuotv nyiec guoqv. (International Ministry)
3. Dorh mienh nzuonx daaih caux Tin-Hung h horpc hnyouv. (Ministry of reconciliation.)

P. Jiu-bang liepc daaih weic taan Tin-Hung h nyei hnamv cuotv bun lung h ndiev Mienh(extension) "Hung h Diex ziouc mbuox yiem mbiaauc maengx wuov deix mienh, 'Meih mbuo naaiv deix yie nyei Die ceix fuqv nyei mienh aah! Gunv daaih aqv. Daaih zipv dongh zinh ndaangc zeix lung h zeix ndau wuov zanc Tin-Hung h liuc leiz ziangx bun meih mbuo wuov norm guoqv, 35 weic zuqc yie ngorc, meih mbuo bun yie nyanc. Jaang nqaatv, meih mbuo yaac bun wuom yie hopv. Yie zoux jiex jauv nyei mienh, meih mbuo yaac zipv yie yiem meih mbuo nyei biau v. 36 Maiv maaiah lui-houx zuqv, meih mbuo yaac bun yie maaiah zuqv. Butv baengc, meih mbuo yaac goux yie. Yie zuqc wuonx jienv"(Matv^taai 25:34-36)

Cuotv liuz zunh kuv fienv Ziouv Yesu yaac paaiv jiu-bang oix zuqc hinc Tin-Hung h nyei hnamv caux ninh maaiah hnyouv korh lienh mienh cuotv mingh taux lung h ndiev mienh duqv zipv. Jiu-bang yaac oix zuqc souv wuonv ngaengc jienv doix dekc taux waaic nyei nyei lung h ndiev. Mbuo maiv haih lorz dorngx kuv yiem nyei yiem jienv liuz maiv gunv taux, mbuo zuqc benx lung h ndiev mienh maaiah lumh kaux nyei dongx, mienh haih duqv bingx laang h nyei dorngx. Mienh duqv zipv hnamv caux orn hnyouv nyei dorngx. Weic biux meng h taux Tin-Hung h nyei baeqc fingx, cingx nzengc nyei mienh. Maaiah Tin-Hung h caux yiem nyei wuov jauv mienh.

"meih mbuo ziouc zoux Tin-Hung h nyei cing-nzengc, maiv lamh guaix dorngx nyei naamh nyouz. Meih mbuo oix zuqc yiem baamh gen, hnyouv waaic, baamz zuiz mienh nyei dorngx mbu'ndongx ziux njang hhangv hleix yiem wuov lung h ziux jienv njang nor,"(Fi^lipv^poi 2:15)

10 Zuangx mienh naaic gaax Yo^han, "Hhangv naaic yie mbuo oix zuqc hhangv haaix nor zoux?" 11 Ninh dau, "Haaix dauh maaiah i deix lui oix zuqc bun deix maiv maaiah wuov dauh. Haaix dauh maaiah hnaangx nyanc yaac oix zuqc bun deix ngorc nyei mienh nyanc." 12 Maaiah deix tengx Lomaa hung h jaa siou nzou nyei mienh daaih lorz Yo^han, oix jiex wuom nyei leiz. Ninh mbuo naaic gaax, "Fin-saeng aah, yie mbuo ni? Oix zuqc hhangv haaix nor zoux?" 13 Yo^han dau, "Meih mbuo horpc zuqc siou mbu'ziex, oix zuqc siou mbuoqc wuov hhangv." 14 Maaiah deix baeng aengx naaic ninh, "Yie mbuo ni? Oix zuqc hhangv haaix nor zoux?" Yo^han dau, "Maiv dungx la'guaih lom-huv, nduov mienh

nyei nyaanh nyanc. Maiv dungx gox jaav sic hoic mienh. Meih mbuo nyei gong-zinh duqv mbu'ziex oix zuqc hnyouv nqaai.”(Lu^gaa 3:10-14)

Yie mbuo longc nyei jaax-muotc se maiv zeiz baamh gen nyei jaax-muotc, se Tin-Hungh henv aic nyei jaax-muotc weic porx waaic win-wangv wuonv haic nyei dorngx. Se porx waaic mienh zaeng nyei nyungc-nyungc jaav sic 5 caux ceng-hlo nyei nyungc-nyungc, dongh laanh jienv maiv bun mienh hiuv duqv Tin-Hungh nyei sic(2 Ko^lin^to 10:4-5)

“mbuo hiuv duqv maaih hnamv mienh nyei hnyouv se hnavg haaix nor weic zuqc Yesu weic mbuo siev ninh nyei maengc. Mbuo yaac oix zuqc weic mbuo nyei gorx-youz siev maengc.”

(1 Yohan 3:16) buonh deic jiu-bang horpc zuqc mbenc nyei za'eix weic dengv taux naaiv kang muoz deic:

1. Mbenc nyanc hopv lai hnavg caux lui houx bun qiemx zuqc nyei mienh (Food Pantry Ministry)
2. Tengx lorz gong bun ndortv gong nyei mienh. (Careers Ministry)
3. Tengx m'sieqv dorn toi guh nguaaz nyei mienh, caux ndoqc nyei mienh. (Alone and Pregnant)

Q. Haih Zorc Cie Nyei Mienh Tengx Mienh Zorc Cie (Cars Ministy)

Buon deic jiu-bang hopc zuqc maaih nyei za'eix se gorngv mbuo mangc Ziouv Yesu paaiv nyei waac.(The Great Commission) yiem Matv^taai 28:18-20 “ Yesu daaih fatv deix mbuox ninh mbuo, “Yiem lungv yiem ndau yietc zungv hatc maaz Tin-Hungh jiu bun yie mi'aqv. 19 Weic naaiv, meih mbuo oix zuqc mingh njaaux maanc fingx mienh zoux yie nyei sai-gorx. Oix zuqc dengv Die Dorn caux Singx Lingh nyei mbuox tengx ninh mbuo jiex wuom nyei leiz, 20 yaac njaaux ninh mbuo ei nzengc yie mbuox meih mbuo zoux nyei nyungc-nyungc. Jangx jienv oc.Yie yietc liuz caux meih mbuo yiem taux baamh gen nyei nyutc zeiv jiex.” (Matv^taai 28:19-20) mbuo buac Ziouv Yesu longc Zaangc Diex jiu bun ninh nyei hatc maaz paaiv mbuo zoux se maaih 2 nyungc za'eix:

1. **Weic maiv gaengv sienx nyei mienh.** Oix zuqc cuotv mingh njaaux maanc fingx mienh. Cuotv mingh lorz maiv gaengv sienx nyei mienh, dorh ninh mbuo goiv hnyouv nzuonx daaih zoux Yesu nyei sai-gorx. v.19
2. **Weic sienx liuz nyei mienh.** Njaaux ninh mbuo ei nzengc yie mbuox meih mbuo nyei nyungc-nyungc. Duqv mienh sienx liuz mbuo aengx oix zuqc maaih za'eix njaaux ninh mbuo zoux ei Ging-sou nyei waac nyungc-nyungc.